

九

宋

國

路振撰

志

下

進步書
局校印

赤子舟

九國志卷七

宋 路振撰

後蜀 高祖自後唐同光三年入蜀。至後主廣政二十八年國滅。父子二世。凡四十一年。

高祖 姓孟。名知祥。字保能。邢州龍岡人。晉王弟克讓壻也。莊宗建號為太原尹。同光三年。破蜀。以為成都尹。充劍南西川節度副大使。明年。莊宗遇弒。明宗立。加封太原公。長興三年。破董璋。兼有兩川。為蜀王。明年。建國。改元明德。是年七月甲子。薨。年六十一。諡文武聖德英烈明孝皇帝。廟號高祖。葬和陵。

後主 名昶。字保元。初名仁贊。知祥第三子。明德元年七月丁卯。嗣位。不改元。仍稱明德元年。四年。改廣政。至二十八年。宋將王全斌軍至。城下。出降。五月。至汴京。改封秦國公。越七日。薨。時宋乾德三年六月也。年四十七。追封楚王。葬洛陽。

後蜀

趙季良

季良字德彰。濟陰人。父肩。唐毅熟令。季良幼涉書史。長於吏治。尤善騎射。王檀聞其名。辟為保義軍節度推官。揚師厚鎮鄴。署元氏令。徙魏州都督府司錄參軍。後唐莊宗入鄴。召見與語。以季良有文武才畧。即授大理評事。依舊司錄參軍。充義勝都指揮使。軍中謀議。多以諮之。時兵革屢興。屬邑租賦逋久。一日莊宗召至。切責之。季良對曰。殿下何時當平河南。莊宗正色曰。爾掌興賦而稽緩。安問我勝負乎。季良曰。殿下方謀攻守。復務急徵。一旦衆心有變。恐河南非殿下所有。莊宗改容前席曰。微君之言。我幾失吾大計。自是益加禮遇。遷典唐府少尹。司錄參軍如故。嘗夢手扶御座。自謂輔佐之象。繇是願述天時人事。以識莊宗深納其言。及即位。授光祿少卿。兼洛南水陸營田都制置使。明宗即位。遷太僕卿。會宰相任圜兼鹽鐵事。薦季良為判官。明年。授檢校戶部尚書。為西川官告使。兼三川都轉運制置使。知祥素重其名。一見遂悅。奏留為節度副使。累表不許。會季嚴來為監軍。知祥深懷疑慮。乃誅嚴而署季良為副使。天成三年。明宗下詔。徙季良為果州團練使。知祥匿其詔書。密上表留之。明宗不能奪。遂允其請。自是傾心接待。情好款洽。或入謁稍晚。知祥必顧左右曰。副使來何遲也。及至。則譙語竟日。每有謀議。無不見從。時朝廷以夏魯奇季仁矩分鎮。

遂聞季良言於知祥曰。朝廷增兵二鎮。張犄角之勢。將有不測之變也。公處親賢之地。以忠信見疑。儻失先機。則禍不旋踵矣。知祥曰。計將安出。季良曰。我甲兵雖寡。然而勢孤易動。請與東川董璋合從。先平遂閬。則朝廷兵至。我無內顧之憂矣。知祥從之。及王師入劔門。而遂閬已平。果無功而還。及捷書至。知祥匿書謂季良曰。北軍漸逼。奈何。季良徐曰。北軍至。縣州已來。必適知祥。問其故。對曰。縣師千里饋運。不繼。彼勞我逸。不走何待。知祥大笑。以捷書示之。及克黔夔二州。以季良為武泰軍節度使。董璋率衆入廣漢。知祥領兵拒之。季良留守成都。制置經度軍用無闕。先是季良嘗與知祥從容語及璋。植性狼戾。下多怨憤。若堅守一城。攻之難克矣。及聞璋起兵。知祥憂形於色。季良曰。璋不守巢穴。自來送死。此天以璋授公也。已而璋果敗。加檢校太保。明宗崩。知祥建號。加特進。守司空。平章事。宏文館大學士。判三司。起襲位。加守司徒。領山南節度使。行興元尹。廣政九年卒。年六十四。諡文肅。季良性寬厚。居常無喜愠之色。母早亡。事從母如所生。季扎季友皆從弟也。並實位。清顯所上遺表言不及私蜀人避之。

趙庭隱

庭隱。開封人。世為卿家。庭隱少知兵律。尚氣義。始事梁祖。子友亮。因擊鞠墜馬。死。庭隱董璋等十數人。皆追赴汴州。知其無過。竟釋不問。令給事左右。末帝即位。唐莊宗入鄴。兩河對壘。十有餘年。時庭隱為邢州都監。累立戰功。節度使劉重霸嫉之。誣庭隱將所部兵降於莊宗。因械送汴州。末帝知其非罪。又重違邊臣之請。乃貶庭隱於高陽。未幾。追復舊職。王彥章守中都。庭隱在其軍中。及彥章敗。庭隱為莊宗所獲。將以就戮。大將魯奇奏曰。此姓也。其材可用。遂釋之。魏王繼岌討西川。以庭隱為先鋒。監押。自入敵境。即禁兵士燒廬舍。剽財物。蜀人德之。魏王平成都。錄其功。奏授左廂馬步軍都指揮使。知祥至蜀。康延孝陷漢州。遣庭隱率兵擊破之。擒延孝。檻送闕下。知祥奏加檢校司空。漢州刺史。因留屯成都。長興初。明宗將議伐蜀。乃以夏魯奇。李仁矩。分鎮遂州。以分其勢。知祥令庭隱與李仁罕。張業。率步騎十萬。經畧遂州。魯奇堅壁不出戰。會唐師入劔門。知祥急召庭隱。令統銳兵五千。至東川。與董璋合軍。以拒之。至中路大寒。士卒不能前。庭隱撫諭勞問。將卒皆奮。遂營於普安。深溝固柵。以養銳。一日。唐師奄至。又分兵斷三亞父水。及上橋。庭隱密遣軍中善射者五百人。伏

唐師之歸路。乃領軍出營。久而不戰。至暮。唐師退。庭隱縱兵追之。伏卒齊起。表裏合擊。唐師大敗。初。唐師之入劔門也。內有堅壁。外有勅敵。遠近駭震。及庭隱之執人心。乃安。知祥遣使慰勞。賜書以覆之。明年。別將平魯奇。唐師至葭萌。而遷庭隱。班師。知祥親勞於郊。翌日。至其第。錫券甚厚。即授昭武軍節度使。留後以鎮。過葭萌。知祥送於北郊。親舉觴以勸之。在鎮踰月。上言三臬餘寇盡去。乞假一旅之師。以拓漢中及秦鳳之地。知祥答書慰勉。且令休息。董璋襲廣漢。將攻成都。時東川廩藏充實。部下多敢死之士。其來也。衆皆畏之。知祥親督諸將。召庭隱為副。以率勵士旅。璋遺書庭隱。而詐達於知祥。以書投庭隱。投書褚中曰。彼必反。聞之。辭不足觀也。疎擒董璋。而後聞之。與璋戰。雞蹤橋前。頗為所挫。庭隱偽遁。璋逐之。知祥與公鐸合擊之。璋軍大敗。斬首數千級。璋領數騎遁歸東川。為部下所殺。庭隱追至東川。頓兵城下。以待知祥梓州平。以庭隱為節度使。會李仁罕自遂州至。求領東川。庭隱將讓之。知祥以庭隱功多。且怒仁罕之貪復。遂自領兩川節度使。以庭隱為保寧軍節度使。以閬果達渠開五州隸之。昶襲位。李仁罕求總六軍。將圖非望。以庭隱為六軍副使。以制之。未幾。仁罕謀改銜。聖諸軍指揮使。明年。移鎮東川。廣政初。加中書令。庭隱久居大鎮。積

金帛鉅萬窮極奢侈不為制限營構臺榭役徒日數千計十年被病熱讓兵柄疏再上從之仍就第冊為宋王經歲不能起賜肩輿入朝既謁見昶感動涕泣賜金沃盥及繒錄加太師卒年六十六子崇祚崇勳

卷一萬八千一百三十六第十頁

趙崇勳

崇勳少驍勇有父風累從征討有功署副兵馬使及庭隱卒昶以崇勳領衛聖諸軍使以襲父任廣政二年周師復至境上昶以崇勳與控鶴指揮使袁可鈞同為北面招討崇勳率勵將士行陣整肅士卒有懸其額為斧形者號曰破桀周師前鋒屢為崇勳所敗至歸安而退二十七年王師來伐崇勳與李廷珪等率兵拒之遇王師於漢源崇勳策馬先登我師大敗崇勳力戰不止兵器皆斷折猶手擊殺數人為王師所擒

卷一萬八千一百三十六第十一頁

張崇

崇開封浚儀人性沈厚有果斷事梁為東頭供奉官時兩河兵革未息崇頗領監護

之任守立戰功。法令峻整。士卒畏之。莊宗入洛。聞業有幹畧。擢為列校。繼發伐蜀。以業監先鋒兵。補右廂馬步軍都指揮使。蜀平。以所部兵駐成都。知祥入蜀。奏授檢校司空。簡州刺史。時蜀漢賊盜羣起。燒劫鎮戍。百姓驚擾。知祥遣業率兵捕之。業令五家為小保。五十家為大保。旬日之內。擒獲殆盡。討夏魯奇於遂州。以功授寧江軍節度使。兵馬留後。董璋襲成都。業在夔州。聞之。率所部赴難。東川平。正授節鉞。加檢校太傅。明德初。領右匡聖步軍都指揮使。會武定興元兩鎮來附。令業將兵二萬屯漢水。業至褒梁。分布塞柵。控扼駱谷。秦鳳諸隘。會武定軍銜將。與蒲谷鎮將任漢謀同謀。導晉師入武定。業遣戍卒擊走之。昶襲位。改武信軍節度使。同平章事。是歲昶殺判六軍事李仁罕。業仁罕之甥也。昶慮其為變。詔歸本道。未幾召入。依舊同平章事。兼判度支。新收征稅多為主吏乾沒。業作盜稅法。犯者十倍征之。吏民不堪。其命業多視事私第中。宰相之門。被桎梏者常滿。昶知之。遽除十倍之法。業子繼昭好擊劍。嘗與淨眾寺僧歸信同訪劍術士。石匡聖指揮使孫漢韶與業不協。告業與繼昭同謀。不軌。翌日。令壯士就都堂擊殺之。年五十七。

武漳

漳字巨川。太原文水人。父五。汾州別駕。漳少勇敢善騎射。事莊宗為定襄都虞候。莊宗以全軍援澤潞。漳與裨將數攻其別寨。斬首千餘級。擢太原衙前兵馬使。改匡聖軍指揮使。同光初。從魏王繼岌入蜀。因留成都。知祥鎮蜀。補衙內右第二指揮使。天成初。漳與張公鐸迎瓊華公主於北都。中國兵革之後。盜賊充斥。漳被堅執。銳通夕不寐。至蜀。改左第二指揮使。奏授檢校僕射。其後東討果閬。北拓劍利。漳屢有功。授蘇州刺史。知祥開國。改邳州。遣山南節度使漳以褒中用武之地。營田為急務。乃鑿大洫以導泉源。溉田數千頃。人受其利。入為奉鑿肅衙指揮使。未幾。改山南。加同平章事。廣政七年。卒於治所。年六十四。漳質厚儉約。所至有治迹。俸入之外。不營資產。蜀人稱之。

卷一萬八千一百三十六第十一頁

李肇

肇汝陰人。父璟。唐神策兵馬使。肇少以材勇從父征伐。後隸宣武軍。補左建牙都頭。累遷陝虢馬步軍都指揮使。莊宗平梁。恢復河洛。割宣武一軍。隸於河東。時知祥為

北京留守待之甚厚。同光中。以所部兵從魏王繼岌討蜀。蜀平。班師。康延孝至。普安叛。擁眾回據廣漢。肇在其伍中。延孝敗。肇被俘。而知祥親釋其縛。擢為衙內都指揮使。未幾。奏授嘉州刺史。長興初。我師圍夏魯奇於遂州。唐師來援。劔門不守。肇領兵赴普安。以拒唐師。不得進。以功改漢州刺史。駐軍蘇谷。明年。董璋率兵攻成都。軍勢甚盛。遣使致書於肇。諭以禍福。肇素不知書。擲之於地。曰。此不過勸我叛爾。因并其使殺之。梓州平。加昭武軍節度使。租襲任肇以足疾。不即時來朝。袒怒。罷其軍。權授太子少師。致仕於邛州安置。堞坎不得意。廣政八年卒。年七十。

卷一萬八千一百三十六第十三頁

李仁罕

仁罕。字德美。陳留人。少隸宣武軍。為小校。容貌瓌偉。梁祖為四鎮節度。署為衙內。昭宗幸鳳翔。梁祖遣仁罕奔問。行在因修貢禮。梁祖革命。補宮苑儀鸞等使。歷許蔡華三州馬步軍都指揮使。莊宗伐蜀。令監先鋒軍。知祥領鎮。奏授馬步軍都指揮使。康延孝叛。知祥命仁罕討平之。以功授彭州刺史。遷蜀州。夏魯奇鎮遂州。累朝廷之命。繕治兵甲。將圖蜀。知祥與董璋謀先討魯奇。令仁罕攻遂州。拔之。以仁罕為兵馬留

後未幾承制授武信軍節度使。又以所部兵定三峽走夔將安崇院知祥卒命仁罕
輔政。昶嗣位令判六軍事。仁罕奉幼主無隱情。自以先朝舊老遇事必諫。時控鶴指
揮使張公鐸內醫韓繼勳封德庫使韓保貞弓箭庫使安思謙等皆昶在東府時舊
所親狎。素不為仁罕所禮。皆懷怨怒。每譖仁罕欲納王衍妃徐氏為側室。遂誣以姦
昶大怒。侯仁罕入謁令武士擊殺之。年六十二。

卷一萬八千一百三十六第十四頁

李延厚

延厚。涪州平恩人。父及。唐邢州別駕。延厚少有膽畧。善騎射。從父琮為涪州節度使。
率衆歸於梁祖。延厚亦從焉。梁補左拱辰指揮第二都頭。後唐同光中。以所部兵從
魏王入蜀。改馬軍右驍銳第一指揮使。康延孝入漢州。知祥遣延厚率精兵二千會
李仁罕往討之。將行。延厚集將卒於營口。誓之曰。今出師征討。不三旬必破賊。乃立
功圖賞之日也。士卒有誓報國恩。不以家為慮者。立東廂。衰疾怯懦。厥為征行者。立
西廂。無自苦也。得請行者七百人。遂延孝西寨。斬首百餘級。竟拔其城。以功奏授檢
校右散騎常侍。改右廂馬軍都指揮使。歷陵果州刺史。源州押衙。文景謀叛。延厚討

平之。岐軍逼文州。延厚率衆赴援。即日解其圍。昶襲位。遷雅州刺史。永平軍節度使。未幾移鎮昭武軍。廣政九年卒。年六十一。

卷一萬八千一百三十六第十四頁

張公鐸

公鐸太原樂平人。父珣。唐儀州兵馬使。公鐸身長七尺。倜儻有節義。好文史之學。知祥為北京留守。錄為親從。及出鎮成都。補為牙校。從高敬柔迎公主於晉陽。轉義勝定遠都知兵馬使。董璋舉兵襲我廣漢。先鋒兵將至成都。公鐸率諸軍從知祥逆戰於雞蹤橋。我師不利。公鐸率所部兵力戰。直衝其腹。璋兵大敗。梓州平。以功授蘭州刺史。遷奉聖控鶴都指揮使。知祥病。公鐸與趙季良、趙庭隱、李肇等同受遺命輔政。昶襲位。授保寧軍節度使。為政嚴猛。察吏畏憚。時承前蜀之弊。獄訟繁多。案牘堆積。公鐸量其所犯。隨意裁決。無不稱當。在任六年。民被其惠。先是屬邑連歲多逋。租公鐸詰其由。乃豪民猾胥乾沒賦稅。時令佐已有授代者。公鐸悉勒止之。令盡徵其租。而後解。由是不數月。徵錢糧數萬貫斛。時論以為嚴而不殘。遷寧江軍節度使。公鐸馭下嚴正。宿衛二十餘年。宮禁寧謐。初染心疾。昶憂之。為玉局洞開靈寶壇。親署青

詞以燕馬廣政八年卒年六十二

卷一萬八千一百三十六第十五頁

張度釗

度釗遼州榆社人。父簡唐檢校尚書左僕射。度釗少以武勇事唐武皇。莊宗之世累補左右突騎軍使。莊宗嘗以偏師取鎮陽。命度釗率騎勇為前鋒。屢挫賊銳。遂陷其城。明宗即位。以度釗有將帥才。擢為隨駕親軍都指揮使。歷遼春二州刺史。天成中。鎮定節度王都阻兵。連結契丹為邊患。命度釗為北面行營兵馬都監。進討契丹。殺傷甚衆。虜不敢南下。遂圍定州百日。而城陷。斬王都。降其餘衆。師還。以功遷橫海軍節度使。未幾移鎮山南兼西面諸州。馬步軍都部署。應順初。閔帝即位。以鳳翔節度使路王從珂有異志。發兵討之。詔度釗為犄角。師次岐陽。人心離散。降於從珂。度釗憤之。乃退歸南鄭。率孫漢韶以山南之地納款於蜀。知祥遇之甚厚。委以節鉞。昶襲任。加中書令。歷左右匡聖馬步軍都指揮使。出為昭武軍節度使。及漢祖即位。乃移鎮梁州。以觀朝廷之變。會晉昌軍節度使趙匡贊。鳳翔節度使侯益俱謀歸蜀。遂以度釗為北面行營招討使。應接經畧。俄而趙匡贊侯益請昶出師。掠定三秦。因命度

劉興韓保貞等總師五萬出散關。雄武軍節度使何重建出隴石。奉鑿蒲衝都虞候李廷珪。出于午谷。會於雍州。廷珪始出于午谷。聞匡贊為王景崇所逼。棄城自拔。東去。遂先退師。時度劉福誠保貞師次陳倉。謀不相協。而侯益聞匡贊已去。廷珪班師。亦誠疑中變。閉壘不出。司天監趙廷樞累以雲氣候不利。諷於保貞。保貞惑之。乃與福誠率所部取隴州。道會重建。歸蜀。度劉留寶難。以勢孤不可深入。遂班師。士卒夜發。部伍不整。至興州。自以功業不成。感憤而卒。年六十六。

卷一萬八千一百三十六第十五頁

潘仁嗣

仁嗣。浮陽東光人。父廷訓。密州都指揮使。仁嗣少儻尚氣。起家為保義軍兵馬使。後唐魏王繼岌西伐。仁嗣以所部兵從入蜀。蜀平。改左右廂馬步軍都指揮使。知祥受節餼。留在麾下。康延孝襲漢州。知祥遣仁嗣率兵救之。連破數寨。遂屯於漢州。董璋與兵趨成都。城外皆為敵境。仁嗣以所部兵陣於赤水。璋以全軍二萬擊之。仁嗣大敗。以十數騎潰圍而出。身被十餘創。卧於血中。及璋敗。獲免。知祥親至其第。以藥傅之。明德二年。奏授武定軍節度使。源壁等州觀察。營田處置等使之任。卒於成都。

年四十六

卷一萬八千一百三十六第十六頁

龐福誠

福誠河東太谷人少善騎射。僮僕交結豪俠。傾竭家產。中原兵亂。福誠聚徒鄉里。剽掠縣鎮。知祥為北都留守。署昭為太谷主簿。令招諭福誠。因相率歸附。從知祥入蜀。補衙內指揮使。王師陷劔門。從趙夔。隱率兵據石橋。福誠夜領兵數百人。循水次東北上山。攻王師。夾其腹背。王師不虞。其至。舉軍驚擾。因奮擊破之。以功遷茂州刺史。知祥建國。加檢校右散騎常侍。視襲位。歷資緣邛三州刺史。奉饗肅衙馬步軍都指揮使。會張虔釗經畧秦中。以福誠為行營馬步軍都虞候。克寶雞。分兵吳山。進攻隴州。以謙改左驍騎軍都指揮使。武寧軍節度使廣政十五年。授衛上將軍。以目疾罷。卒年七十一。

卷一萬八千一百三十六第十六頁

李彥琦

彥琦字子溫。京兆長安人。本姓楊氏。祖父晉隸神策軍。彥琦善騎射。有權畧。唐中和

初鳳翔李彥真妻以心腹之任。易姓李氏。齒於諸子。後昭宗西幸。梁祖迎駕。攻逼岐下者累年。及昭宗東還。長圍方解。大軍之後。府庫空竭。彥琦請使甘州。以通回鶻。往復二載。美玉名馬相繼而至。所獲萬計。茂真賴之。劉知俊自靈武班師。途經長城嶺。梁將率精銳數萬。躡其後。彥琦與俊同設方畧。擊敗之。洛王之守岐下也。諸道將急攻其壘。彥琦時在圍中。營家財以給軍用。洛王篡位。以功授檢校太傅。知河陽軍府事。俄授鎮州兵馬留後。晉祖入洛陽。彥琦罷職西歸。家財素厚。乃閉關自奉。游心釋氏。專務散施。廣政十年。王景崇納款於蜀。彥琦因歸成都。授左將軍。維州刺史。卒。年八十八。

卷一萬八千一百三十七第二頁

孫欽

欽幽州安次人。性忠烈。善騎射。少遇亂。隸安義軍節度使。充衙內都頭。後改補合州衙內都頭。兼主客都虞候。從本州刺史徐章入蜀。會知祥鎮成都。長興初。轉充右截山都頭。董璋來寇。戰雞蹤橋。有功。遷普州刺史。昶襲位。累遷東川武德軍左奉聖都指揮使。廣政十五年。令以所部兵北攻。欽將行。白於都監王永丕。承王將謀亂。欲害

判軍府事郭延鈞曰。詰朝當領部卒二千人。介冑闕於雄義營。欲與府公觀之。欽未
知其由。從容謂承玉曰。卒閱習舊。皆木刀竹槍。今都監令執帶器甲。將士臨行。又是
詔旨。或有不虞。如何。承玉遂止。又明日。欽已具行裝。入辭承玉。承玉止之。同詣府中。
謁延鈞。及延鈞送承玉上馬。承玉頤指數卒。擊殺延鈞。自稱准詔處置軍府事。即據
府廳指揮。放諸司罪人。分遣將校領兵屯果閔縣。劔州拒守。劔門聞。發帑廩以賞將
士。自辰至巳。亡命之徒。應募而至者千餘人。明日大會將校察屬。欽言於衆中曰。郭
延鈞既抵朝憲。遠近未知其由。公受命權總留務。願出詔書以示軍府。承玉曰。作好
官。何問詔書。欽知其已叛。乃始之曰。州城內外人情未安。願為公督部下兵。以伺察
之。因躍馬而出。承玉連呼不止。馳至本軍。立召將士告其事。遂率衆徑趨府中。承玉
左右皆奔散。因擒斬之。傳首成都。加檢校太子賓客。二十五年寢疾卒。年七十二。

百三十七第一頁

吳父懷福。從後唐武皇。世著勲。闕因家於太
歷驪睦曹三州刺史。檢校司徒。會延州節

度使丁審琪殘暴貪冒。蕃部苦之。重建以所部兵攻其城。審琪遁去。晉祖卽以重建權節度兵馬。留後下車。諭以威福。邊民安堵。就加昭武軍節度使。累遷。鄧貞。孟五鎮節度使。皆以廉儉簡易稱。未幾移鎮秦州。廣政十年。契丹犯中原。虜使脅偽詔至。重建不勝其憤。謂將吏曰。吾事石氏二主。入擁旄節。人臣之榮。已極矣。豈能交臂以事戎狄。乃斬其使。以秦成階三州歸歿於我。昶遣石千牛衛上將軍李繼勳馳往慰諭。賜予甚厚。加特進同平章事。依前雄武軍節度使。時固鎮與鳳州未平。重建悉經畧討平之。昶大舉兵北伐。遣張度釗出大散關。以重建為招討使。由隴州路以進。師無功而還。堅請入覲。昶不許。二十二年。加兼侍中。卒年六十九。

卷一萬八千一百三十六第十二頁

孫漢韶

漢韶。太原人。祖賁。唐嵐州刺史。父存進。振武節度使。漢韶幼有器局。風儀峻整。存進尤愛之。起家安定軍使。知祥留守晉陽。屬蕃渾侵擾邊郡。表令漢韶督軍進討。莊宗知其可用。遂委以戎律。大破虜寇。擒獲甚衆。以功授檢校右僕射。蔡州刺史。明宗卽位。遷彰國軍節度使。觀察留後。累遷。昭武武定等軍節度使。閔帝嗣位。加特進。漢韶

以其父名上表讓之。改檢校左僕射。制曰。改會稽之字。抑有前聞。換懷寶之文。非無故事。及潞王入洛。遂與張虔釗等奉表歸附。及謁見。與知祥敘汾上舊事。及洛中更變。相對感泣。知祥曰。豐沛故人。相遇於此。何樂如之。於是賜第宅金帛。供帳什物。悉官給之。授永平軍節度使。昶襲位。加同平章事。明德三年。入為匡聖馬步軍都指揮使。廣政十年。為山南節度使。何重建以秦階成三州歸附。鳳州石奉顯堅守不遁。我使昶遣漢韶入城宣慰。號令嚴肅。秋毫無犯。駐數日乃還。加檢校太師。雄武軍節度使。後以疾乞解兵柄。封樂安郡王。賜肩輿昇入謁。卒年七十二。漢韶忠勇有父風。而重厚過之。居藩閫。皆有治迹。始以去危即安。委質於我。願竭股肱之力。終保富貴。識者多其淳愚。

卷一萬八千一百三十六第十二頁

高彥儔

彥儔。太原人。少善騎射。慷慨有大節。知祥留守太原。召為軍校。從入成都。授親衛指揮使。昶襲位。遷茂州刺史。廣政十年。秦州何重建以城降。以彥儔領雄武軍節度使。領衆守其城。未幾。召歸。領石衛聖馬步軍都指揮使。十八年。周師攻秦鳳。以彥儔為

北路行營招討使與李廷珪呂彥琦率兵赴援與周師遇於唐倉大戰我師敗績彥
僑退保青泥嶺周師遂克階成秦鳳等州彥僑歸成都昶釋不問改寧江軍節度使
二十七年王師來伐分兵由岐路攻夔州彥僑謂副使趙崇濟監軍武守謙曰北軍
涉險遠來利在速戰宜堅壁待之守謙曰寇據吾城下而不擊將何待也乃獨領麾
下千餘人以出時王師頓白帝廟西遣騎將張廷翰引兵與守謙戰我師敗走廷翰
乘勝登城彥僑整衆將出拒戰王師已乘而入彥僑力戰於城下不勝身中十餘槍
左右皆散去彥僑奔入府中反拒其門判官羅濟勸彥僑單騎歸蜀彥僑曰我昔已
失天水今復不能守夔州縱不忍殺我何面目見蜀人乎濟又勸其降彥僑曰老幼
百口俱在成都以一人偷生舉族何負今日止有死爾即解符印授濟曰君自為計
俄而王師壞門彥僑挺劍拒之殺十餘人於是登樓縱火自焚而死大將劉光又憐
其忠盡收其骨以葬焉

卷一萬八千一百三十六第十二頁

李廷珪

廷珪太原人幼慧七歲隸知祥帳下為給使從入蜀為牙軍指揮使征康延奉有

功遣陵州刺史知祥征東川。廷珪權領親軍以從。董璋平。轉資州刺史。累改眉蜀二州。昶襲位。遣奉聖控鶴都指揮使領興元節度使。歷雅遂閬三鎮。加兼侍中。廣政十八年。周師攻秦鳳。以廷珪為北路行營都統。高彥儔呂彥珂為招討。廷珪遣先鋒指揮使李進以兵據馬嶺。分兵出斜谷。營於白澗。將腹背以攻周師。又遣染院使王巒領兵出唐倉。與周師遇。我師敗走。王巒死之。而馬嶺斜谷之兵聞之皆退。奔高彥儔。與諸將謀。退守青泥嶺。由是秦鳳階成之地皆陷於周矣。廷珪上表請罪。昶釋不問。明年來朝。遣左右衛聖諸軍馬步軍都指揮使。仍分衛聖步騎為左右十軍。以武定軍節度使呂彥珂為之使。並隸於廷珪。二十八年。王師拔劔門。加廷珪太子太傅。令從元詰統兵以拒王師。至絳州。聞王昭遠趙崇韜之師皆敗。元詰懼。退保東川。翌日奔歸成都。所過盡焚其儲蓄。及王師入成都。行營都監王仁贍按籍詰所在。軍資將歸罪於廷珪。廷珪問計於部將康延澤曰。吾觀王公志在聲色。苟足其欲。則置而不問矣。廷珪素儉約。不蓄妓樂。遂求於姻戚家。得女妓四人。復假貸金帛。直數百萬。以遺仁贍。繇是獲免。歸朝為右千牛衛上將軍卒。

王彥銖

彥銖太原人。祖義方汾州長史。父德成贈太子少保。彥銖性仁弱，不好弄，讀書究大義。天祐中，事知祥於太原。後入蜀，累補節度押衙。詔使李嚴之為監軍也，密懷異謀，知祥數其過，命彥銖擒斬之。嚴之左右無敢動者。知祥破董璋，擇腹心有權畧者，俾護其軍。於是以彥銖為東川監押。及建國，轉授右僕射。昶襲位，歷達嘉雅三州刺史。出為山南兵馬都監，數載罷歸。補左右羅城使、眉州刺史。遷昭武軍節度使。轉右衙聖馬軍都指揮使，罷歸。改左金吾衛上將軍。復授昭武軍節度使。廣政二十四年卒於治所。年六十五。

卷一萬八千一百三十六第十六頁

李奉虔

奉虔太原人。本姓王氏。祖欽，唐隰州刺史。父存賢，佐唐武皇，累著功，因賜姓李。其人攻上黨，莊宗親總大軍以援之。存賢先登陷州，授盧龍軍節度使。奉虔幼有才略，不循小節。年十四，為幽州衙內都指揮使。居父喪，骨立數歲。及知祥鎮蜀，奉虔懇請從行，補廳直左押衙。明宗即位，充貢奉使。諸將進攻遂寧，王師掩至，劍門不守。知祥

命趙庭隱督兵往拒之。署奉慶為兵馬監押。時衆寡不敵。人心搖動。奉慶與庭隱率勵士卒。竟敗王師。以功授檢校右僕射。昶襲位領嘉州刺史。文思使遣石金吾衛大將軍。為昭武軍都監。屬夏秋多雨。嘉陵江溢。出城奉慶置堰。開滿瀨二十餘處。洩其蓄水。築隄以護之。城池克完。人被其利。授昭武軍節度。自監護。擁節旄。自奉慶始。人皆榮之。人為左右街功德使。卒年六十三。

卷一萬八千一百三十六第十六頁

王昭遠

昭遠成都人。幼孤貧。年十三。依東都僧知誣為童子。知祥入蜀。飯僧於府署。昭遠持巾履從。知誣得入。時昶方就學。見昭遠聰慧。留給事昶左右。昶嗣位。以為卷簾使。遷諸司使。會樞密使王處回得罪。乃以昭遠為通奏使。知樞密事。機務一以委之。府庫財帛。悉其所取。不問。未幾。遷山南節度使。判官張廷偉言於昭遠曰。公素無勳業。一旦位至樞近。不自建大功。何以塞時論。莫若遣人致書通好。并門令其發兵南下。我即自黃花子午谷出兵應之。使中原表裏受敵。可坐有關石之地。則君之功無有出其右者。昭遠然之。乃言於昶。遣人間行齎蠟書以往。太原為疆吏所獲。及王師來伐。

昶令昭遠與韓保貞趙崇勳等領兵以抗王師。昭遠好讀兵書。頗以將畧自任。始發成都。昶遣宰相李昊等餞於郊外。昭遠酒酣。舉臂而言曰。是行也。非止克敵。當以此數萬。彫面惡少。取中原如反掌爾。及行。執鐵如意。指揮軍事。自方諸葛亮時。王師已破劔門。昭遠大懼。俄與王師遇於漢源。趙崇勳布陣將戰。昭遠據胡牀。不能起。崇勳賊乃免胄棄甲。走投東川。為追騎所獲。送闕下。授左領軍大將軍。開寶中卒。

卷一萬八千一百三十六第十七頁

安思謙

思謙并州人。幼事知祥於太原。以勤恪聞。知祥入蜀。補為軍校。昶襲位。頗見親信。歷簡邛彭三州刺史。奉饗控鶴馬步軍都指揮使。武泰軍節度使。未之任。改匡聖馬步軍都指揮使。山南節度。時鳳翔監軍王景崇以城歸順。命思謙率兵應接。且畧地關中。會漢兵圍鳳翔。燒其雙門。景崇遣使來求救。昶遣思謙及韓保貞等率兵救之。兵次石界。漢兵屯寶雞城。思謙令保貞分兵趨隴州。逼沂陽。以分其勢。又遣先鋒將中貴等分兵走摸壁。設伏於家林。貴以數百人晨壓寶雞列陣。以誘漢兵。漢兵爭出戰。貴偽遁。漢兵逐之。為伏卒所擊。退入寶雞城。思謙次渭水。將引軍濟。會羅暉保義軍。

與東口相應。掩我不備。多殺士卒。而漢兵復振。思謙與諸將議曰。糧儲將盡。而賊勢且盛。不如釋之以圖後舉。遂班師。十二月。景崇又來告急。昶復督思謙。令進兵。思謙請先運糧四十萬斛。然後進軍。昶覽表不悅。謂左右曰。古之良將。因敵取資。近者吳丹以數十萬衆入中原。豈先事飛輓耶。揣思謙此意。必不為朕進取也。乃發興州乾渠渡糧食。及山南諸倉米數萬斛。屯鳳州。以益之。思謙不得已。遂進軍。次大散關。申貴以所部先進擊漢兵。燒箭箬寨。毀閣道。遁去。貴盡銳追之。及安都。思謙進軍五女澤。又設漢兵千人。漢兵退屯寶雞城。思謙駐軍換壁。時保貞之師攻隴州。不能下。思謙遂遷延不進。會漢兵隔風翔。景崇死。乃班師。上表待罪。昶釋不問。召歸。移鎮閬州。仍留宿衛。思謙以受任無狀。為物議所薄。頗不自安。昶既誅張業。宮禁門衛。悉加嚴警。思謙以其疑已。頗惡之。言多悖慢。三子辰嗣。裔恃父權。恣橫國人。畏之。會翰林王藻來問。奏思謙出怨言。將圖不軌。昶懼。翌日。俟其入朝。伏壯士擊殺之。并其三子。廢政十七年也。

卷一萬八千一百三十第十七頁

彥賓字英服。滄洲清池人。父軫。唐兗海節度使。彥賓少聰敏。多智畧。事後唐武皇。尤所委信。及莊宗即位。遷左監門衛將同正。四方館使。出護邢州兵。知祥移鎮成都。詔以彥賓為監軍使。與知祥同入蜀。康延孝據廣漢。彥賓說知祥。令召黃璋與之協力。討賊。遂擒延孝。明帝即位。忿閻豎輩怙勢擅權。先朝使四方及逃遁不出者。皆就戮之。死者殆盡。彥賓為知祥保護。獲免。朝廷因以李嚴代之。彥賓辭疾不歸朝。知祥因令判都提學院事。未幾。轉左驍衛上將軍。以年老乞代。從之。彥賓乃營別墅。鑿池。沼植蒲。莢養魚。以自給。祀龔位。以先君舊友。命全給俸祿。而不令觀謁。保遂其性。廣政十五年卒。年七十八。

卷一萬八千一百三十六第十八頁

趙進

進定州人。少以膽勇隸天雄軍。籍時河北宿兵。進累戰有功。洎蘇宗入洛。猶在行間。屯於清。廩祿既薄。又不時給。士卒多怨憤。思亂者十七。同光末。與本軍皇甫暉等共推副趙在禮相率。夜犯鄴城。城中士卒莫有鬪志。進等因隔其城。未謝旬。兵數萬。在禮署進衙內都虞候。三城巡檢使。莊宗遣元行欽以其言聞。因詔明宗馳往招謝。及

入城乃共推戴。遂有洛中之變。天威初除。貝州刺史鄴都衙內指揮使。明年移典寧州。屬慶州叛。遣進討平之。遷雅州刺史。知祥入蜀。進來謁覲。知祥以進始謀叛逆。將誅之。進大懼。趙季良諫曰。莊宗季年。天下思亂。匪獨貝魏一境。公國之懿親。所宜責以干紀。加其顯戮。進自知必死。歸命於我。所宜撫納。以責其後效。知祥納之。黃璋之亂。我師致討。進戎服謁見。而言曰。進荷明公不殺之恩。今日有所報矣。請前蹈白刃。決命破賊。乃署為前鋒監陣使。先登立功。璋平。轉左衝山指揮使。租叢位。歷忠鳳。耶魯四州刺史。石匡聖步軍都指揮使。所至軍政修舉。戍卒有疾苦者。必撫問。周尙當盛暑。泛寒。未嘗勞役。將士以此樂為之用。廣政十七年。督部兵戍漢中。逾月以疾聞。召還。卒於道。年六十一。

卷一萬八千一百三十六第十八頁

石處溫

處溫。萬州人。本波斯之種。仕前蜀。為利州司馬。同光中。知祥入蜀。補萬州管內諸境。點檢指揮使。率義兵。同收峽路。時通州大將王允瓊。侵擾邊鄙。及草寇杜景溫。劫東鄉豪殺縣令牟孟。劉峯戶。焚燒村落。處溫與諸軍討平之。知祥遣書褒美。轉寧江。

軍節度都知兵馬使萬州管內義軍都指揮使昶襲位。遷興州刺史。處溫初據石市，招納亡命，達近多歸之。由是廣事耕鑿，常積穀數萬石。前後累獻軍糧二十餘萬石，加以實貨。昶嘉之，加檢校司空。未幾，授萬州刺史。移簡州。卒。年八十。

卷一萬八千一百三十六第十九頁

孟思恭

思恭字近禮，潁川人。父彥暉嘗為許州獄吏。前蜀王建嘗隸忠武軍，坐事被繫，謂彥暉曰：「卿能免我。」他日將厚報彥暉，遂縱之。令亡去。及建霸蜀，遣使迎之，授簡州刺史。遷漢州團練使。思恭弱冠，奇峭，猿臂善射。起家保信軍使。建嘗集文武射苑中，思恭屢中的。建大悅，賜衣服，以其女妻之。為駙馬都尉。累遷靜塞軍團練使。王衍襲位，為北路行營都指揮使。知祥鎮蜀，以其宗姓，補先登指揮使。以所部兵從董璋。遣思恭分兵討集州。誠之曰：「賊少則與戰，賊眾則退守要害。我將濟師，及遇賊，思恭與之戰，不利。退求濟師。」璋怒，放思恭歸。知祥免之。明年，隨趙夔，隱破璋於雞蹤橋，以功。改清遠指揮使。昶襲位，加檢校司空。改雄義都指揮使。屯梓州。累遷飛棹都指揮使。歷劍閣忠三州刺史。思恭有膽畧，善撫士卒。廣政二十年，為峽路行營都指揮使。屯赤英。

山時秋暑未退思恭苦熱食冷物浴寒水致疾卒於任年七十二

卷一萬八千一百三十六第十九頁

申貴

貴潞州人弱冠有勇力初事李彥珂為帳下卒天成中歸於知祥累補定遠都頭從征伐身當矢石深為諸將之所推許改決勝耀武指揮使昶襲位遷石衛聖都指揮使歷昌渝文眉四州刺史貴貪鄙殘虐所在聚斂財貨民不勝其弊典眉州受財繫獄尤恣暴橫嘗指獄門謂左右曰此我家錢爐其不道如此初兼五縣巡檢令其子元寶與州吏許延祺誣構民連賊枷禁以求賂被訴下獄貴授貴維州司戶參軍馳驛發遣至犀浦賜自盡

卷一萬八千一百三十六第十九頁

九國志卷八

宋 路振撰

東漢 世祖以乾祐四年稱帝。至英武帝廣運六年。國滅。歷四主。凡二十九年。十國紀年及通鑑作北漢。此與五代史同。

世祖 姓劉名昊。初名崇。後漢高祖母弟也。為河東節度使。乾祐三年。隱帝遇弒。郭威篡漢。四年正月戊寅。即位於晉陽。仍用乾祐年號。受契丹冊命。在位四年。薨。年六十。廟號世祖。

睿宗 名鈞。初名承鈞。昊次子。受契丹冊命。仍稱乾祐七年。行三年喪。服除。改乾祐十年為天會元年。至十二年七月戊申。薨。年四十三。諡曰孝和皇帝。廟號睿宗。

少主 名繼恩。本姓薛。鈞養為子。嗣位六十餘日。為郭無為所弒。

英武帝 名繼元。本姓何。亦鈞養子。既襲位。仍稱天會十二年。越五年。改元廣運。廣運六年五月癸未。降於宋。降封彭城郡公。淳化中。薨。追封彭城郡王。

蔚進

進太原人。少有膂力，身長七尺，日行二百餘里。高祖鎮并汾，進以材官給事。及高祖領軍，令負羈鞫，開運未南行，留進於太原。為崇誦衛，即授馬步軍指揮使。鈞襲位，領建寧軍節度使，典親軍如故。繼恩監國，郭無為受詔輔導世子，無為與進不協，出為代州刺史。時無為專政，繼恩潛欲圖之，進知其必亂，自以居親衛之地，頗懷危感。及有中山之命，忻然即路。未幾，繼恩遇弒，國人皆以進為先見。以城納款，歸朝。授左衛大將軍，領檀州刺史。卒年七十二。進無他能，惟掌兵方嚴，所至不敗。事劉氏四主，以質直聞，歸老中國，祿二千石，亦武夫之終吉也。

卷一萬八千一百三十七第二頁

張元徽

元徽，邢州武安人。少以沈勇隸本城為兵，累轉至列校。高祖鎮并汾，召置帳下，累從征討有功。晉開運未破契丹於三交，以功授代州刺史。歷雲州防禦使、遷代州。與崇素相友善。及崇建號，領侍衛親軍，遷武寧軍節度使，崇舉兵南下，將圍周室。以元徽為前鋒，與周師遇於巴公原。元徽以東軍先登，陷陣擒監軍使一人，降其步卒千人。而旋崇大褒賞之。元徽乘勝復入馬劄，為周師所擒，殺之。其麾下十餘騎，畢力血戰。

奪其尸而出。俄而崇眾亦敗。先是前鋒兵將次巴公。一夕營中刁斗皆噉。元徽出遣詣崇大寨易之。凡易數十。皆噉而不可擊。因以白崇。崇怒曰。故要吾金鉞耶。遂止。是夜有大星墜元徽營中。明日果敗。元徽沈厚。有將帥材。善撫士卒。輕財好施。雖將祿豐厚。而家無餘貲。既而軍吏為立廟晉陽城西北隅。塑其像而時祀之。見者必掩泣。

卷一萬八千一百三十七第二頁

鄭進

進開封陽武人。身長七尺餘。魁勇多力。漢祖鎮并汾。以材官給事。累從征討。有功。即位。遣侍衛馬步軍都指揮使鈞襲位。以先朝勲舊。賜予彌厚。進性慷慨。重然諾。好施家無餘貲。繼元立。馬峯典機密。性鄙吝。與進不協。峯怒。悉奪其兵柄。進不堪辱。詣之於朝。繼元怒。翌日。送定襄安置。遣人殺之於路。

卷一萬八千一百三十七第三頁

衛傳

衛吐渾族人。少事鈞。為蕃落小底。善騎射。驍勇絕倫。明書計。通六蕃語。鈞襲位。遣如京。便令專掌吐渾一軍。以從征討。所向多克捷。虜援兵每至。即遣衛居前鋒。軍中凡

布列烽燧措置寨柵皆倚為之。繼元立為閩人。衛德貴所嫉。出為遼州刺史。吐渾數千人遮道請留。繼元不許。自是一軍失帥。不復可用矣。倚少長蕃中。不樂為郡。頗出怨言。繼元慮其為變。潛遣人殺之。

卷一萬八千一百三十七第三頁

李隱

隱。鴈門人。少以驍勇。隸緣河十寨。善騎射。有膽畧。鈞襲位。以軍功擢授馬步諸軍都引進使。累從征討。性純直。未嘗曲事權要。衛倚出知遼州。隱惜其忠勇。為倖臣所逐。頗憤惋。形於言。德貴聞而惡之。白於繼元。即日送嵐州安置。未幾殺之。

卷一萬八千一百三十七第三頁

九國志卷九

宋 路振撰

南漢 唐天祐元年烈宗為廣州節度使至後主大寶十四年國滅凡六十七年斷自高祖乾亨元年為始凡四主實五十五年

烈宗

姓劉名隱父諫為封州刺史有三子曰隱台巖乾寧元年冬諫卒士民謀亂

隱誅之嶺南節度使劉崇龜表為封州刺史天祐元年朱全忠奏為清海軍節度使梁開元元年封大彭王三年改封南平王四年進封南海王乾化元年三月丁亥薨年三十八諡曰襄乾亨元年追尊曰襄皇帝廟號烈宗陵曰

德陵

高祖

名夔初名巖又名彥諫庶子乾化元年五月甲辰梁以為清海軍節度使三

年正月襲封南平王真明二年八月癸巳稱帝建國號曰越改元乾亨追尊

祖安仁曰太祖父諫曰代祖兄隱曰烈宗乾亨二年十一月改國號曰漢凡

改元三乾亨九年白龍三年大有十五年三月丁丑薨年五十四諡天皇大

帝廟號高祖陵曰康陵

瑒帝 名玠 龔第三子 初名宏度 封賓王 改封秦王 及嗣位 更名 改大有十五年 為光天元年 二年三月丙戌 遇弒 年二十四 諡曰瑒

中宗 名晟 初名宏熙 封晉王 既弒 玠 遂嗣位 改光天二年 為應乾元年 十一月丁亥 改乾和 十六年八月辛巳 薨 年三十九 諡曰文武光聖明孝皇帝 廟號中宗 陵曰昭陵

後王 名銀 晟長子 初名繼興 封衛王 乾和十六年八月辛巳 龔位 改是年為大寶元年 至十四年二月 宋師入城 出降 封恩敦侯 時宋開寶四年也 八年 進封彭城郡公 太平興國初 進封衛國公 五年 薨 年三十九 追封南越王 或云歸葬於韶州之越王山

劉洪操

洪操 字貞度 龔第九子 洪澤之母弟也 幼知書 及長 有識量 大有中 封萬王 十一年 兵權交趾 皎公羨 求救於龔 龔欲乘其亂 而取之 遣大將梁克貞 率兵南下 龔自護其軍 以洪操為靜海軍節度使 封交王 令統眾趨白藤 時吳權已殺公羨 而據交趾 親率眾來逆戰 先於海口 多植棧檝 悉銳其首 以鐵冒之 潮水方漲 權乘輕舟引

兵批戰。洪操逐之。須臾潮退。戰艦為棧板所結。士卒皆覆溺。死者過半。遂擒洪操殺之。

卷一萬八十一百三十七第六頁

劉洪杲

洪杲字日宣。龔第十子。母尚儀謝氏。名宜清。有寵。洪杲十歲。封循王。好步闈。復使弓馬。以膽勇聞。諸兄皆尚儒學。或勸令讀書。洪杲曰。我家立功立事。皆起馬上。獨使我老一經乎。龔以兵書教之。遂畧通大義。光天初。循州戰張遇賢。自稱中天八國王。擁眾數萬。攻下郡邑。洪杲請統眾討賊。玠以其尚幼不許。洪杲曰。兵法尚變。不尚盛也。因令越王為都統。洪杲副之。次錢帛館。軍士方食。賊眾奄至。洪杲率親信數百人。介甲躍馬。徑入賊中。殺數百人。賊為之少却。俄而越王領眾繼至。與賊大戰。自辰及午。賊眾益盛。圍我師數重。矢下如雨。軍人多死。洪杲矢盡。挺劍力戰。流血滿袖。裨將萬景忻等。蒙以大楯。其二王以出。賊解去。洪杲以戰功。授桂州觀察使。未幾。與晉王同謀。篡弒。應乾初。為諸道兵馬副元帥。參政事。歲初。立國中。謗議騰沸。洪杲請歸罪於劉思潮等。晟不從。反為思潮等所譖。以洪杲謀為亂。晟遣思潮偵之。一日。洪杲與親信

飲酒第中。思潮與譚令種領衛兵排闥而入，斬其首以徇。

卷一萬八千一百三十七第五頁

蘇章

章封州人。少事隱為牙將，性忠敢有勇力。從征譚玘，盧瑤有功，薛王奏署衛內馬步軍都指揮使。從隱討盧延昌於韶州，隱率舟師出雙石，會天大霧，昏暝如夜，韶人四出，以鐵纜繫巨鉤投隱舟中。士卒驚，撓章引弓射殺數人，以巨斧擊鉤，鉤皆斷，折纜不能施。船人乃退。翌日，進逼其城，城上望樓中有人罵隱，言頗檢褻，隱怒甚，不敢視左右。章伏舵樓中，引弓射罵者，應弦而斃。舟中皆鼓譟，時江水暴漲，自清遠峽以北，瀧瀨尤惡，糧運不繼。會延昌父光稠自虔州擁兵來援，隱與戰，屢敗，乃班師。韶人以兵襲我，後遂捨舟而徙。士卒不成列，隱馬斃，章以所乘馬援隱，因徒行為。後殿韶人不敢逼，以功遷封州刺史。充左右街使，襲襲位。命章典禁衛諸軍，白龍中楚人乘舟師來伐，圍封州，敗我師於賀江，溺死者千人。襲乃遣章領神弩軍三千人，戰艦百艘，援之。章至賀江，沈鐵索水中，兩岸設巨輪以挽索，築連堤以隱之。伏壯士堤中，章以輕舟進戰，佯不利。楚人逐之，堤中挽輪舉索，楚艦不能進，遂乃以強弩夾水射之。楚

人藏焉。收戰船百艘以歸。遂解封州之圍。以功遷團練使。章子五人俱為中郎將。豪俠任氣。所為不軌。番禺號為五郎將。章年老不能教訓。會有告其謀叛者。逮捕下獄。悉斬之。章以功得不坐。慙悖成疾。大有十年卒。

卷一萬八千一百三十七第三頁

吳懷恩

懷恩番禺人。事龔為內府局丞。性謹愿。典宿衛二十餘年。未嘗有小過。玠襲位。遷內常侍。玠好宴樂。東西兩教坊伶官千餘人。常晝夜出入宮中。懷恩屢言於玠曰。今禁中自有蕭韶府內樂百餘人。皆善音律。夜宴用此足矣。焉用教坊。若夜雜入禁中。不拘閤籍。恐姦人竊發。不可不慎。玠不聽。未幾果為陳道庠所弑。龔襲位。授宮闈諸衛押番。乾和六年。加開府儀同三司。西北面招討使。與指揮使吳珣領兵侵楚。親冒矢石。半歲間。取梧州六州之地。以功加濮陽縣公。大寶中。王師取郴。連銀糧。以懷恩為桂州團練使。令治戰艦。懷恩取下方巖。臨事精至。每舟成。必自臨視。材有良窳。不等。及制度疏畧。不如法者。必榜役工。役者多怨之。又造龍舟十。以備銀親征。舟成。懷恩以綿幕其手。徧捫鉤楯。匠區彥希在側。運斤斬之。首墜船中。左右皆驚走。後數日擒

彥希斬於市。懷恩治兵嚴整。所至輒有功。及被害。國人憂之。

卷一萬八千一百三十七第五頁

陳道庠

道庠。潁川人。父璠。唐末避亂於封州。膂力絕人。隱聞其忠勇。召至帳下。隨隱入廣州。遷雄虎將軍卒。道庠幼俊爽。起家為虎賁郎。翹果有父風。大有末。給事晉王府。嬰疾。亟命以道庠為元帥。府馬步軍都指揮使。光天初。張遇賢起循州。大掠郡邑。道庠與萬景忻從。越王循王東征。遇賊錢帛館。賊圍之。數重。自辰及午。我師殆盡。道庠與景忻奮劍大呼。殺十餘人。賊眾披靡。於是掖二王而出。玠既立。所為不法。疑羣弟圖已。每宴集。則令宦官守閣。供奉將吏。悉露索而後入。及晟將為亂。謀於道庠。玠好角。搯道庠。因引多力者劉思潮等數人。習角抵於晉王府中。玠聞而悅焉。翌日。大置酒長春宮。召角抵。與諸王觀之。至夕。玠大醉。既罷。晟遣道庠等掖之。因拉殺玠。血濺寢門。左右皆散走。晟立以道庠為功臣。領英州刺史。出入宮中。賞賜優厚。晟既得志。願誅殺勲舊功臣。劉思潮等皆相次被誅。道庠不自安。持進鄧仲與璠有舊。嘗遣道庠漢紀問其意。仲叱曰。慙。察此書。有韓信彭越事。審讀之。道庠大懼。遂謀亂。事未及發。

而歲覺之。乃收道庫。伸下獄。翌日同斬於市。悉及其族。

卷一萬八千一百三十七第六頁

邵廷瑁

廷瑁。循州人。幼為黃門給事。禁中言論。峭直。與羣閹異。及長。有文武材幹。博覽書史。尤善騎射。紛襲位為內謁者。遷內府局令。總宿衛兵。軍務嚴整。尤重儒士。有自遠方來者。廷瑁必先見之。為具胄糧。而後引薦。多被任用。大寶中。遷內常侍。時銀春。秋已長。而未知稼穡。煮於游宴。人心危懼。廷瑁每從容言曰。男兒十五。奮父志。今宗社岌岌。繫於陛下。願加檢核。銀建禹餘宮。在城東南六十里。山水奇絕。銀避暑多往焉。廷瑁雅所愛尚。因請解兵職。願為宮使。銀從之。而令典兵如故。廷瑁以諸戎器不甚厚。料弓弩不能及遠。用鎗鎗薄。不可以禦大敵。乃為式。親督工匠造之。累言於銀曰。中國亂雜久矣。我先朝乘其間。故有南越之地。五十年來。嶺表無事。師之耳目。不識旗鼓。今中國已有真主。陛下未嘗遣一介之使。馳咫尺之書。珠貝犀象。瑤瑁翠羽。積於內府。歲久而不可較。陛下未嘗以修聘。一旦兵至。何以禦之。銀懵然不以為慮。七年。王師克郴州。招討使暨彥贊戰死。王師乘勝取連州。銀始懼。乃加廷瑁開府儀同三

司東南而招討使以舟師屯洗口。王師既退，廷瑄撫循將士，招輯亡叛，境上肅然。稱
為良將。因繕治甲兵，親加訓練。將復郴連會同列者，嫉之，投匿名書言廷瑄將圖不
軌，銀信之。遣使賜廷瑄死，士卒排軍門爭入對使者，哀訴言廷瑄無反狀，請加考驗。
弗許。軍民冤痛，為立廟於洗口。至今祀之。

卷一萬八千一百三十七第四頁

潘崇徽

崇徽南海人，事龔為內侍省局丞。願知書，有鈴畧，乾和中，歲遣崇徽率兵攻郴州。時
江南將邊鎬據湖南，發兵來援，相遇於宜章。崇徽令部將康崇保分兵為兩翼以掩
賊，江南兵大敗，遂克郴州。明年，潭州節度使王逵率兵五萬來復郴州，歲遣崇徽領
衆赴之。與逵過於壕石，逵軍遠來，罷乏不成列。崇徽登壕而望，喜曰：「此成擒也。」乃縱
兵擊之，潭人大敗。逵僅以身免。桂州吳懷恩為部下所殺，遣崇徽代領其衆。加西北
面招討使。歲餘，以飛語見疑於銀，遣崇岳來覘其軍戒之曰：「崇徽果有異志，即就誅
之。」崇岳至，崇徽知其意，悉以所部兵自衛。以見崇岳不敢發，還以白銀曰：「崇徽日夕
領伶官百餘輩，並衣錦繡，吹玉笛為長夜之飲，不恤軍政。銀方怒，會崇徽單騎來歸。」

東身請罪。銀釋而不問。但奪其兵柄。自是常怏怏。及王師圍賀州。刺史陳守忠告急於銀。召大臣議。皆請以崇徽領兵。以拒王師。崇徽難之。辭以目疾。銀怒曰。何須崇徽。伍彥柔獨無方畧耶。乃以彥柔代領其眾。彥柔至賀州。為王師所擒。賀州陷。銀憂迫計無所出。乃加崇徽內太師。馬步軍都統領。眾三萬屯賀江。會王師徑趨昭州。崇徽但擁眾自保。不為之援。王師度馬徑。崇徽請降。從銀歸朝。太祖知其事。特赦崇徽。以為汝州別駕卒。

卷一萬八千一百三十七第四頁

郭崇岳

崇岳。番禺人。宮媪梁鸞真之養子也。幼為閩人。以慧黠聞。乾和中。為內侍。監銀。襲位。遷內侍中。太微宮使。大寶十三年。王師來伐。都統李承渥以全師出韶陽。為王師所敗。銀震駭。顧諸將無可使者。鸞真即薦其子可用。乃以為招討使。與大將植廷曉統眾六萬守馬邊。去番禺裁百餘里。時王師已過龍頭。翌日入馬邊。去我寨十里。游騎據雙女山。直瞰我軍。頻摩壘。挑戰。崇岳本無將材。所統之眾皆詔募。其敗卒絕無鬪志。廷曉欲出戰。崇岳不從。但堅壁自守。晝夜禱祠鬼神而已。王師繼至。廷曉謂崇岳曰。

北師乘席卷之勢其鋒不易當也吾士旅雖衆然皆傷痍舊卒今不驅策而前將生
受其斃亡無日矣於是領前軍據水而陣令崇岳殿後禦其奔衝既而王師濟水迂
繞力戰而死崇岳奔入營王師攻之初一夕南風甚厲至此北風大起王師縱火燒
寨崇岳大敗死於亂尸之下

卷一萬八千一百三十七第五頁

九國志卷十

岑路振撰

閩

司空以唐景福二年有泉汀五州地為節度使。至天德帝天德三年滅於南唐。歷七主。凡五十三年。

司空

姓王。名潮。字信臣。光州固始人。唐末為縣佐史。與弟審邽審知。以才氣知名。號三龍。屠者王緒聚眾自稱將軍。署潮為軍正。既誅緒。眾推為主。時光啟三年八月也。至景福二年。置有泉汀五州之地。九月戊戌。唐以為福建觀察使。三年九月庚辰。升福建為威武軍。拜節度。四年十二月丁未。薨。贈司空。

太祖

名審知。字信通。潮季弟。景福四年冬。潮有疾。託審知以大事。既卒。自為留後。光化元年三月己丑。受朝命。十月癸卯。授本軍節度使。天祐元年四月。封瑯琊王。梁開平三年四月。封閩王。後唐同光二年十二月辛未。薨。在位二十九年。年六十四。諡曰忠懿。龍啟初。追諡昭武孝皇帝。廟號太祖。陵曰宣陵。

嗣主

名延翰。字子逸。審知長子。初審知寢疾。命權知軍府。既卒。自為留後。同光四年三月辛酉。唐授為節度使。明宗天成元年十月己丑。建國曰閩。稱王。十二

月辛卯遇弒

憲宗

名鑄。初名延鈞。審知次子。建州刺史王延喜審知養子也。既與延鈞弒延翰。推為留後。天成二年五月癸丑。唐以為節度使。封瑯琊王。三年七月戊辰。進封閩王。長興四年正月稱帝。改元。凡改元二。龍啟二年。永和九年十月庚辰。遇弒。共在位十年。諡曰齊肅明孝皇帝。廟號憲宗。

康宗

名繼鵬。鑄長子。既弒鑄。明日辛巳即位。更名昶。既而稱節度使。奉表於唐。明年改元通文。四年閏七月辛巳夜。控宸控胤二都兵作亂。比明。遇弒。永隆。諡曰聖神英睿文明廣武應道大宏孝皇帝。廟號康宗。

景宗

名羲。初名延羲。審知第二十八子。先是被幽私第。及繼鵬遇弒。控胤軍使連重遇等迎立。自稱節度使。閩國王。時通文四年閏七月壬午也。是月改為永隆元年。又奉表於晉。在國仍用天子制。六年正月乙酉。為朱文進連重遇等所弒。諡曰睿文廣武明聖元德隆道大孝皇帝。廟號景宗。

天德帝

名延政。延羲弟也。延羲既立。封為富沙王。繼恩延羲肆為醜虐。貽書切諫。遂成讐敵。久之自立為帝。以建州開國。號曰殷。改永隆五年為天德元年。二

年三月。朱文進弒延羲。延政討之。十二月。衆殺朱文進。連重過於天德三年正月。迎延政為帝。復號曰閩。是年八月丁亥。唐兵破建州。出降。時晉開運二年。為唐保大三年也。保大五年。唐封為鄱陽王。九年。徙封光山王。未幾薨。贈福王。諡恭懿。

黃仁諷

仁諷。建州浦城人。少有武幹。隸本城為鄉兵。以陣敵立功。累遷飛捷指揮使。福州林仁翰殺連重。過送首於建安。迎延政歸王閩中。時唐兵壓境。不果行。遣仁諷護送。從子繼昌入守閩中。以仁諷為福州在城鎮。逼使繼昌庸懦。無馭下才。人心不安。會江南兵逼建安。將吏知其必破。上下思亂。仁諷因之。遂與李仁達。口口口口等同謀。殺繼昌而自立。延政大怒。收仁諷。妻子戮於市。發兵討之。時仁達已推立卓儼。明令仁諷為城西門軍帥。以捍建兵。仁諷知妻子已戮。臨敵不顧。出入奮擊。建軍大敗退。而謂繼洵曰。忠信仁義士之所守也。舍此無以立。吾頃在建安嘗攻伐。今見利忘義。不能慎守晚節。是不忠也。富沙託子於我。曾不營救。中道而變。是無信也。與建軍對敵。所殺者皆鄉曲故人。是不仁也。棄妻子使為魚肉。是不義也。此身十沈九浮。旦夕歸地。

下何面目以見之。因拊膺而哭。繼珣曰：大丈夫殺身徇名，何顧妻子？且置是事，無輕泄也。建軍既退，左右以其言白仁達，翌日擒斬之，并殺繼珣。

卷一萬八千一百三十七第七頁

許文禎

文禎，泉州同安人。少事審知，為給事使。累歷內職，昶襲位，遣文思院使延叡立，改金吾使。率兵屯臨江，未幾授汀州刺史。朱文進竊位，以其黨黃紹願守泉州，而臨汀亦叛。以應文進，留從效殺紹願，以其首送建安。文禎怒，乃諭郡人歸款於延政，加太尉兼侍中。為治嚴整，賞罰必當，吏民畏而愛之。江南兵圍建州，遣將時厚卿分兵攻汀州。文禎率眾拒戰，擒厚卿，遣歸金陵。因上表謝罪。及建州陷，明年文禎率軍更赴金陵。璟復以為汀州刺史。未幾改新州。召歸授建州刺史。周顯德中，王師圍壽春，潘承祐薦文禎有武幹。璟令統兵數萬屯紫金山，為周師所破。擒文禎，世宗釋不誅。璟剽地歸，疑世宗故文禎歸，璟以其失律，不復用。歸同安，坎壕而卒。

卷一萬八千一百三十七第七頁

王仁達

仁達延鈞從子也。幼聰悟，博覽羣書，及長，魁梧有機畧，善用鐵槩，每探甲持槩上馬，馳刺觀者稱其妙。延鈞襲位，仁達為樓船指揮使。王延稟叛，與其子繼雄領兵攻福州，仁達率舟師禦之，偽立白幟請降，繼雄登舟與語，因刺殺之，以首示延稟。大勦士卒，擾亂遂擊破其軍，擒延稟，以獻。遣親從都指揮使領台州刺史，性慷慨，自以功高，又居親衛，言事頗肆，胷臆延鈞忌之。一日延鈞宴羣臣，酒酣，顧謂仁達曰：「趙高指鹿為馬，以愚二世，其理安在？」仁達對曰：「秦二世幼冲，為強臣所蔽，故有此弊。今朝中官吏不滿百人，長短美惡，陛下皆見之，動息飲啄，陛下皆知之，敢有蒙蔽聰明，擅作威福，召族滅之禍者，耶？」延鈞大慙，因賜金帛以慰之。翌日，加檢校太傅，自是延鈞每辭，即欲殺仁達，私謂所親曰：「仁達多智畧，當吾之世，猶可駕馭，觀其詞氣，非幼主臣也。後竟誣以叛，誅之。」

卷一萬八千一百三十七第七頁

楊思恭

思恭，建州建陽人。少俊爽，好學，有心計，事昶為同安尉。昶政聞其名，辟為節度巡官。襲位，遷戶部尚書。時兵革屢興，國力空匱，命思恭為僕射錄國事，增山澤墾畝之稅。

魚鹽蔬果皆倍其算道路側目號楊剝皮唐兵至建陽延政遣統軍陳望帥衆拒之
列寨相屬斥候甚明唐人不敢過凡月餘不戰思恭遣使以延政之命詰責之望對
曰江淮間多精兵將帥練習戰事未可輕敵陛下不以臣不肖舉國中之衆以屬於
臣安危之機在此一決今之曠師非臣之怯也且欲觀其變為萬全之策耳思恭大
怒復遣讓之曰淮兵侵陵百姓叛逆睡不交睫食不知味且彼之衆不過數千跋涉
山川師無停糧將軍擁衆盈萬兵精馬壯今乘危投隙與之角戰是以石破卵也若
曠日持久使其營壘堅固芻粟豐備復何望哉將軍受國重恩宜盡死力立功立事
以報萬一江淮懼而自退將軍無血刃之勞何面目見陛下乎望不得已乃引兵渡
水唐人張左右翼以擊我軍大敗溺死者尤衆延政降思恭遂歸金陵斬於建康市

卷一萬八千一百三十七第七頁

留從效

從效泉州挑林人少隸本城為衛兵征臨汀以功遷冗員指揮使朱文進殺延義竊
據福州以其黨黃紹願為泉州刺史從效與其裨校王忠順董思安謀同殺紹願迎
立王繼勳為刺史從效自署為平賊統軍俄而文進率兵來攻從效開城門與戰文

進敗走。於是人心悉歸於從效。會江南兵已平建州。從效遂却繼勲。送於金陵。李璣以從效為清源軍節度使。發兵屯郡中。一日從效謂屯將曰。此一方東漸於海。與福州世為讐敵。南限廣州瘴癘之地。人使不通。西連鄞水。皆後復烏道。近歲干戈屢動。三農廢業。冬征夏斂。僅足自贍。不煩大軍久駐於此。屯將皆不對。翌日置酒餞之。郊外屯將不得已。皆卷旗而去。從效遂有漳泉之地。李璣不能制。累授從效同平章事。兼侍中。封晉江王。從效起自行陣。知人疾苦。勤儉養民。常衣布素。涉獵史傳。延納名士。部內清治。吏民愛之。王氏有二女。嫁為郡人妻。從效每給其衣食。歲取進士明經。謂之秋堂。周世宗征淮南。從效遣衙將蔡仲興為商人。以帛書置革帶中。由岳鄂送歛內附。又請置鄗京師。世宗以其素附江南。恐其非便。不許。宋朝建隆初。上表稱藩。李璣遷於洪州。從效遣使假道吳越入貢。太祖遣使賜詔書以慰之。未至而衙校張漢思陳洪進却從效。遷於東亭。漢思自稱留後。從效疽發背卒。

卷一萬八千一百三十七第八頁

王忠順黃思安

忠順泉州人。隸本城為鄉軍。與從效同殺黃紹願。遷為軍校。江南兵逼建州。黃思安

與忠順同領眾赴難。延政屯西門，數戰不利。延政諭之曰：「孤以不德致寇，公等與從效首誅兇黨，克定泉南，踰越巖險，以兵來援，見公等之忠，亦也。今當勉之。」思安等俯伏對曰：「臣以必死奉執時，城中眾心離散，或說以去就之計。思安曰：『吾輩世為王氏臣，今視其危而叛去，天下皆皆有容我者乎？』眾感其言，遂無叛者。翌日城陷，忠順力戰死之。思安整眾歸泉州，進兵不敢逼。」

卷一萬八千一百三十七第八頁

陳洪進

洪進，泉州仙遊人，少材勇，進為州兵，留從效，殺紹頌，遷為指揮使。從效將送紹頌首於建安，迎延政為閩王，羣下以道阻賊盛，莫有肯行者，獨洪進請往。時尤溪賊數千人，遮道不得前。洪進神氣自若，語賊曰：「朱福州已為義師所襲，殺之矣。爾輩更為何人戍守？」即持紹頌首示之，曰：「我倍道兼程送之建州，以嗣君返國，爾等無所歸矣。」賊遂潰散。渠帥數人皆聽命，因從洪進至建州。延政大悅，擢洪進為建州馬步軍都指揮使。及江南克建州，延政歸金陵，李璟以留從效為清源軍節度使，洪進佐之。出戰入守十五年餘，以功遷統軍使。從效卒，其子紹錡使江南，未復。小子紹錡領留後事。

月餘吳越遣使來聘。紹鑑夜召其使與之宴。論洪進疑之。乃誣紹鑑謀叛。欲以其地入吳。越執之。送於建康。推副使張漢思為留後。自為副使。漢思老且淳謹。事無巨細皆決於洪進。漢思諸子患洪進之專。因大宴。伏甲府署中。將殺洪進。酒數行。地忽大震。屋宇皆傾動。甲未及發。而同謀者告之。洪進遽起去。洪進子文顯。文顯俱為牙校。請以所部兵擊之。洪進不許。一日洪進置大鐮於袖。從者常服安步以入府中。漢思方處閣內。洪進自外鐮其中門。使人叩門謂漢思曰。郡中軍吏以公耄荒不能治。請洪進知郡事。衆情不可遏。望以郡印相授。漢思錯遑不知所為。乃以印與之。洪進出召將吏告之曰。漢思昏耄不能治事。以郡印見授矣。將吏皆賀。即日置漢思於別館。以兵監守之。遣使如江南請命。李煜以洪進為清源軍節度使。建隆初。太祖平李重進於揚州。江浙皆納款。洪進懼。乃遣牙校奉表自稱副使。言張漢思請老歸第。以已領軍事。太祖賜詔書慰諭。乾德二年。制授平海軍節度使。仍鑄印以賜。開寶八年。江南平。洪進遣其子文顯來朝貢。因降詔。洪進入覲。至建州聞太祖崩。乃還鎮。發哀。太宗即位。加檢校太師。太平興國二年入朝。遂獻所管漳。泉。二州之地。願朝請加平章事。卒年七十二。贈中書令。諡曰順。

九國志卷十終

九國志卷十一

宋路振撰

楚

武穆王於唐乾寧三年丙辰自立於湖南。至後唐保大九年辛亥國滅。凡五

十七年。

武穆王

姓馬名殷字霸圖。唐中和時。孫儒劉建鋒戍蔡州。殷隸軍中。及儒敗。死。衆

推建鋒為帥。殷為先鋒。建鋒被殺。衆推張佖。佖讓與殷。時乾寧三年五月也。

九月。唐授殷潭州刺史。光化元年三月。命知武安軍留後。未幾。進本軍節度

使。梁開平元年四月辛未。封楚王。後唐天成二年六月。封楚國王。許自開國。

長興元年十一月己巳薨。年七十九。諡武穆。葬於衡陽之上。潢。

衡陽王

名希聲。字若訥。殷次子。殷有子數十人。嫡子希振長而賢。次希聲與希範

同日生。以母寵得立。長興元年十一月丙戌襲位。去建國制。十二月。唐以為

節度使。三年七月辛卯薨。追封衡陽王。

文昭王

名希範。字寶規。殷第四子。希聲既沒。長興三年八月辛酉襲位。九月。唐以

為節度使。四年正月乙卯。封扶風郡侯。應順元年正月壬辰。封楚王。晉天福

四年四月加天策上將軍十一月開天策府開運四年五月壬辰薨年四十
九諡文昭是年六月劉知遠改國號曰漢

發王

名希廣希範同母弟希範病以希廣屬拓跋恒將佐以希萼為長恒以勸希
廣讓希萼指揮使劉彥瑀等不欲遂奉希廣權軍府事時越希範薨之四月
乙未也七月甲午漢封為楚王十月希萼來奔長拒之遂攝兵乾祐三年十
一月希萼陷長沙戊申被害葬劉陽門外

恭孝王

名希萼殷第三十子既害希廣遂自為楚王時漢乾祐三年為南唐保大
八年十一月丁未也保大九年二月入貢於唐三月唐以為楚王九月戊寅
同母弟希崇指揮使徐威作亂執希萼幽於衡山縣希崇既襲位國人不服
復立希萼為衡山王希崇求援於唐唐命邊鎬將兵趨長沙十月鎬入醴陵
遂趨希崇入朝十一月辛酉盡遣於唐辛未鎬遣先鋒李承戰將兵如衡山
趨希萼入唐十二月唐仍賜希萼爵楚王以希崇為節度使數年希萼薨於
金陵諡恭孝希崇率兄弟十七人奔於周

張佖

信京兆長安人。少通經史。咸通初。以明經中第。累遷宣州從事。秦彥牧宣城。陰養亡命將。圍江淮。而兇暴多忌。不為吏民所信。信慮其害已。乃辭疾去職。將歸京師。至汝陽。值秦宗權阻兵。信往依之。宗權與語大悅。署為行軍司馬。會宗權叛。遣眾四出。屢為梁祖所破。信謂劉建鋒曰。今天下方亂。英豪角逐。吾觀秦公剛鷲猜忌。終不能濟大事。梁王軍政精明。將士悉力。一旦全師奄至。吾等無賴矣。不如早自為謀。建鋒孫儒俱縱儒殺宗衡。自領其眾。以信為行軍。號令嚴肅。眾皆憚之。及破楊行密。信有力焉。行密逐趙鏐。據宣州。儒與建鋒領眾西上。將討行密。建鋒謂信曰。今與孫公權全軍為公。刷恥於宣州。如何。信唯唯謝之。於是儒盡焚維揚積聚。驅其民人大屯廣德。將先平行密。而後北渡。及圍宣州。糧道阻絕。士卒大疫。反為行密所破。信與建鋒率餘眾據湖南。推建鋒為帥。建鋒多私狎。每飲酒部曲間。有長直兵陳瞻者。其妻有殊色。建鋒通之。瞻怒。以鐵撻置袖中。擊殺建鋒。建鋒將吏推信為帥。信將入府。常所乘馬忽蹊嚙不止。正中信髀。仆地不能起者久之。時殷征、蔣勳於邵州。信謂其將吏曰。吾非汝主。當迎馬公為之。於是礫陳瞻於東市。遣姚彥章等迎殷。及殷至。信乘肩輿入府。受其拜謁。託命殷升廳。信即降階。率將吏拜賀。請代殷攻邵州。梁開平中。奏授

信朗州永平軍節度使累遷檢校太保同平章事乾化初移鎮桂林卒於治所子少敵有武畧事殷為軍校希範襲位遷永州刺史天福中卒

卷一萬八千一百三十七第十頁

許德勳

德勳蔡州朗山人少為縣吏好讀書史任氣不羣秦宗權據淮西德勳往依之擢為左軍判官與殷同在帳下有州里之舊情好款洽從孫儒討揚州以德勳為蹋白都指揮使時淮上饑饉德勳所至必先固困廩以待儒謂左右曰成吾事者許蹋白也自是軍中謀議皆得預焉及儒敗於宣誠與劉建鋒同入湖南以軍功奏授檢校太傅兼侍中殷代立以德勳為內外馬步軍都指揮使乾甯四年淮南楊行密遣使來通好以梁祖擅朝政願與殷為兄弟之國以絕梁殷欲許之德勳諫曰行密盜據淮甸抗衡中國明公義修職貢於朝為附庸一旦棄之前功盡廢他日朝廷問罪江表以我為同惡即王師先至湖上矣不如拒絕之乃心王室久長之策也殷從之天復中淮人攻鄂杜洪求救於朝廷詔發荆湖澧朗兵以援之殷遣德勳與蔡彥暉率舟師東下時荆南成汭知梁祖將篡曲意事之乃自擁眾乘巨艦直抵夏口為淮人所

敗汭溺死。德勳遂與朗州雷彥恭襲破荆南。盡俘其府實及士女伶倫工巧之徒八數千人以歸。天祐二年。又領兵畧地荆南。還經岳州。刺史鄧進忠以城歸附。遣岳州刺史梁開平。初。淮將冷業寇平江。以德勳為東面行營步軍都指揮使。去淮軍五里下營。業以游騎偵邏。晝夜不絕。德勳選習水者五十人。斬木取其枝葉。戴之。各持長刀。浮江而下。夜犯業營。令舉火為號。俄而營中擾亂。自相蹂藉。火舉。德勳以勁兵奄至。大敗淮軍。斬首千餘級。擒業及裨校二十餘人。以歸天威中。淮將王彥章苗倫等寇岳州。舟師萬餘人。蔽江而下。屯君山側。殷遣德勳率艤艘戰艦十艘以禦之。德勳謂諸將曰。淮人遠來。掩吾不備。今若以全師臨之。必懼而遁矣。乃潛師屯角子湖。候旗卧鼓。夜遣裨將王環以戰艦二百。斷楊林浦。絕其歸路。淮人覺之。遁。明淮人移軍荆江口。將會荆南兵。合攻岳陽。德勳選輕艦三百。令裨將詹信先襲淮人。且行且戰。德勳擁艤艘自後而至。大戰荆江中。淮人大敗。斬首千餘級。溺死者甚眾。擒彥章及倫以歸。而行密遣使來行成。且請二將殷以禮歸之。遣德勳餞彥章等。德勳謂之曰。楚國雖小。舊臣宿將尚在。願公此歸。勿以湖南為念。若須得志。當待馬子爭草。然後可圖也。彥章等媿謝而去。是後馬氏諸子果爭立。為江南所滅。人以德勳為知言。天

成二年殷建國拜右相卒年七十餘子可瓊

卷一萬八千一百三十七第十頁

鄧進忠

進忠。湘陰人。世為土豪。兄進思。唐中和初。為瀏陽鎮將。黃巢之亂。江湖荒饑。進忠陰養死士千人。以防寇盜。會巢弟黃浩。領惡少數千。剽劫江左。號浪宕軍。轉入湖外。大掠瀏陽。進忠患之。乃與進忠謀。率壯士伏山家間。候浩軍半過。橫出擊之。浩軍大敗。前後皆遁走。浩僅以身免。縣以事聞於州。奏授進忠岳州刺史。天復中。進忠卒。進忠襲位。天祐二年。許德勳襲京南。回。出戰。艦臨其城。進忠遣人獻牛酒。開門納德勳。大享將士。德勳謝以襦。福翌日舉族南歸長沙。賜進忠鞍馬。繒帛。金銀器。令權知衡州軍州事。未幾。奏授刺史。同光中卒。

卷一萬八千一百三十七第二十頁

姚彥章

彥章。字繼徽。汝南人。少倜儻。有武畧。乾符中。黃巢盜起。秦宗權召募豪俊。以彥章。隸帳下。善用鐵槊。重百餘斤。每上馬盤辟。疾如旋風。觀者壯之。隨孫儒渡淮。拔廣陵。儒

死宣城。隨劉建鋒入湖南。領廳直軍。最被親信。及建鋒遇害。張佖傷。不能視事。佖與彥章首議迎殷。遂遣彥章率所部。遣殷於邵州。殷初疑之。猶豫未即。彥章入白。殷曰。劉龍驤張行軍與足下同功一體之人也。不幸龍驤有不測之禍。行軍以悍病。廢是天意。人望歸於足下。何遽疑也。殷釋然。遂令彥章統眾先歸。國內既定。翌日。殷至。代立。以功。遷長直都指揮使。彥章建議平嶺北七州。薦李瓊為游奕使。桂州平。奏授靜江軍行軍司馬。監軍府事。遷檢校工部尚書。橫州刺史。容南。龐巨昭歸。彥章率兵迎之。遷寧遠軍節度副使。知容州事。殷建國。拜左相。遷昭順軍節度使。清泰中。加兼侍中卒。

卷一萬八千一百三十七第十一頁

秦彥暉

彥暉。上蔡人。宗權之族弟。父轍。仕郡為牙校。彥暉少伉勇。有智畧。宗權將敗。族人懼禍。彥暉請隨族兄宗衡討揚州。宗衡為儒所害。彥暉從儒攻宣州。儒敗。又從劉建鋒入湖南。為捉生指揮使。光化中。殷將平嶺北。以彥暉及李瓊為七州游奕使。率兵平桂林。虜劉士政。以功。奏遷檢校太保。天祐末。淮將劉存勳威鎮。棹攻湖南。殷以彥

暉為在城都指揮使領兵三萬以禦之。彥暉潛艦虜於上流以待淮人。又遣副指揮使黃璫分戰棹三百艘潛溯陽口存以舟師至越隄屢戰不利乃遣使送書於殷以請和。殷欲許之。彥暉曰：「淮人多詐將緩我師而為變不可信也。」使者回以其言白存。時彥暉與存對水為陣存登岸遙呼彥暉曰：「我降矣而公弗許。古人有言殺降不祥公豈不為子孫計。」彥暉怒曰：「賊踞我城下而不擊真顧子孫耶。」乃鼓譟齊進淮人遁走黃璫自溯陽口列戰艦橫絕大江合擊之淮人大敗擒劉存。至夕劉威以輕輅遁去。彥暉親戮其裨校百餘人以功奏加檢校太傅。開平三年領兵攻朗州殺其將區景思擒節度使雷彥恭及其宗屬雷彥雄等七人以歸朗州平。遣道州刺史乾化中代歸卒。

卷一萬八千一百三十七第十一頁

王環

環許州人少隸忠武軍。秦宗權據淮西以環有勇力召置帳下。後與劉建鋒從孫儒渡淮。儒死宣城。又隨建鋒入湖南為捉生指揮使。割畧郡邑先登陷陣。衆推其果毅。建鋒死。殷代立遣水軍都指揮使畧地上高擒淮將劉璫。奏授檢校司徒。真明初徙。

岳州刺史許德勳以舟師巡境上夜中南風暴起環乘風鼓棹直抵齊安城中纒四鼓矣環挂繩梯登城殺守卒十餘人引戰士直入州廨擒刺史馬鄴遁明城中驚擾德勳乃驅其官屬將吏寘入舟中大掠而歸至纒口德勳謂環曰鄂人其逃我乎環曰我師入黃州而鄂人不覺今奄至城下迅雷不及掩耳當自救無暇安能逃我乃展旗鳴鼓成列而行鄂人不敢出至岳陽以所俘獻殷大喜奏以環領黃州刺史天咸初史光憲自京師還為荆南高季昌所執奪明宗所賜名馬妓女殷遣環與袁詮詹信率戰艦三百艘討之大畧於境上季昌遣將屯劉郎洲環進兵擊破之奪戰艦百餘艘遂過荆渚季昌懼請和取光憲以歸殷建國以環為左六軍副使長興二年辛環善治舟師能以寡擊衆布衣糲食與士卒同甘苦每戰罷必盡索傷者扶至帳前手自療治之鐵鉤鈐夾名膏上藥常置坐右殷每部分諸將使之出征士卒得隸環麾下者咸相賀曰吾輩不畏死但獲居王六軍隊伍中足矣其為士卒所愛如此

卷一萬八千一百三十七第十二頁

王贊

贊事希範為衡山指揮使時年僅十五境內無事但以所部營飾宮室剏修佛廟而

已。贊求自試。乃以為岳州刺史。乾祐初。希萼率兵攻湖南。希廣以贊為都部署。率眾禦之。敗胡軍於僕射洲。奪戰艦三百艘。希萼奔歸武陵。密遣人以珍幣通好於贊。贊拒而不答。三年。希萼復大舉兵攻長沙。路由岳陽。贊堅壁自守。希萼不敢逼。遣人謂贊曰。比約與君同行。今何異心也。贊曰。大王兄弟尚不相容。何責將吏之異心也。願大王入長沙。無傷同氣。臣守岳陽。敢不盡臣節。希萼感其言。及篡位。奏授贊永州防禦使。淮將邊鎬據湖南。有占者云。王氏繼馬氏時。議以贊有世功。當應其讖。鎬白於李璟。乃授贊鎮南軍節度使。賜襲衣巾帶。以毒冥巾帽中。未幾。贊腦裂而卒。

卷一萬八千一百三十七第十二頁

李瓊

瓊。蔡州汝陽人。少以魁勇。選隸秦宗權帳下。後隨孫儒渡淮。儒敗。又從劉建鋒入湖南。為親從都裨校。殷代立。遣本軍指揮使時湖外初。羈土守未廣。議者復請規取嶺北七州之地。乃命瓊與秦彥暉為七州游奕使。張國英李唐為之副。兵克永道。卞連四州。因水陸齊進。屯全義嶺。時桂州劉士政遣副使陳可璠營嶺下。指揮使王建武營秦城。以拒我師。彥暉三戰不利。會全義民請為鄉導。瓊詰之。對曰。比去西南有

古路背嚴關抵秦。裁五十里。雖生荆棘。可通單騎。瓊乃白彥暉。請以步卒三百。騎兵六十。以巨槩長劍銜枚。夜襲秦城。至建武營。纔三鼓矣。時營中士卒。不虞我師之至。皆熟寢。令騎兵分布柵外。自以牛革蒙柵門。踰入。士卒隨之。營中亂。自相蹂躪。斬首百餘級。衆遁走。擒建武而歸。暉明至大寨。係建武以素練。示可瑞。營中可瑞不知我師已破秦城寨。猶鼓譟未信。乃新建武投首營中。士卒震駭。彥暉因其驚擾。以全軍擊破之。擒可瑞。降其將吏二千餘人。欲部送歸湖南。瓊曰。我以七千人討桂林。若分兵以送降者。前有大敵。何以當之。此敗軍烏雞。其心不一。不如殺之。以全軍直趨桂林。此席卷之勢也。於是盡坑降兵。自秦城以南。猶有二十餘柵。皆迎風而潰。瓊以先鋒兵躡之。比至桂林。殺戮萬計。遂圍其城。九日而士政降。彥暉班師。殷以瓊為桂州刺史。令經畧嶺南。遂襲容州。降龐巨昭。明年。又與呂師周克昭。賀梧三州。瓊寇岸多力。每食肉十餘斤。踞案大嚼。眈眈然。軍中號曰李大蟲。先是桂林兒童聚戲衢路中。忽相驚走。曰。大蟲來。大蟲來。至是果應。瓊治桂州三年。招納逋遁。法令寬簡。吏民便之。開平中。卒於治所。年六十八。

呂師周

師周廣林人。吳將蒙之裔孫也。父珂少以勇敢隸楊行密帳下。累戰有功。遷黑雲都指揮使。師周少勇敢任氣。隨父征討。臨陣未嘗介甲。金創被體而談笑自若。眾皆服其果毅。珂卒。行密令代其父為指揮使。天祐初。副指揮使綦母章以所部兵屯上高。與湖南為敵。境累戰殺傷者萬餘人。遷袁州刺史。師周性豪率。頗通緯候及兵書。自言世將家子。不可保富貴。每恣為杯酒狎客。常十餘。醉必起舞。或擊節狂歌。慷慨泣下。行密聞而疑之。密遣人偵其動靜。師周不自安。乃謀於綦母章曰。吾與湖南對壘。有日矣。觀其營上雲飛。常紛紛然。未易敗也。馬公寬仁。待士有禮。吾欲逃死焉。公以為如何。章曰。公自圖之。章舌可斷而言不洩也。乃遣牙將呂蔚通。敷於我。聞平初。以所部兵大獵境上。因歸於湖南。章縱其親隨之人。殷聞師周至。甚喜曰。吾方圖嶺表。得師周足矣。即以為步軍都指揮使。領袁州刺史。明年。率兵攻昭。賀梧。象。龔。富。等州。與劉隱兵十餘戰而克之。奏授韶州刺史。乾化中。領兵破飛山蠻。斬其帥潘全盛。諸蠻悉歸款。奏遷檢校太傅。清泰中卒。

廖光齊

光齊有武幹。事殷為決勝副指揮使。天成末。從許德勳討荆南。屯兵沙頭高。李昌之子從綱為雲猛指揮。使驍勇無敵。一日單騎薄德勳營。眾不敢出。光齊怒。言於德勳曰。此驍童也。請為公擒之。乃介馬援。櫜而出。與從嗣格鬪良久。光齊偽墮馬。從嗣奮槌以擊之。反為光齊所擒。時李昌以數十騎觀於臺上。見其子被擒。亟令騎士來請。及入營。光齊已拉殺之矣。李昌大慚。翌日遣使請成。光齊以功遷決勝指揮使。性簡傲。使酒。因爭飲。令殿前列。黜為邵州教練使。未幾復舊職。討溪州蠻。中流矢而卒。

卷一萬八千一百三十七第十四頁

彭玕

玕吉州廬陵人。世居赤石洞。為酋豪。黃巢之後。江表寇盜蜂起。玕於鄉里保聚徒眾。得數千人。自為首領。捕逐羣盜。有功本州。補玕承新制。置使。玕雅好儒學。精左氏春秋。當兵荒之歲。所在饑饉。玕延接文士。曾無虛日。治具勤厚。人多歸之。廣陵筆工李鬱者。善為詩。作。玕嘗貽書於鬱。以白金十兩。市一筆。又令鬱訪石本五經。卷以白金百兩。為直。廣陵人相謂曰。玕以十金易一筆。百金酬一卷。況得士乎。於是蕭謨等數

人咸往依之。鍾傳據江西。其裨將韓德師叛。傳令其弟瑊攻破之。斬獲甚衆。軍政嚴肅。無採不犯。傳以瑊為吉州刺史。未幾。以玠代之。玠以傳為輔車之勢。會傳死。揚行密將攻破豫章。虜鍾匡。時玠懼。將圍據湖南。先遣其黨教贍李緒來。致書於殷。且規殷之起居。殷勞之。翌日大宴府中。將吏畢集。以贍為上客。贍等歸。以語玠曰。馬公龍鬚鳳眸。大人之表。其將吏輯睦。少長有禮。未可圍也。玠默然。開平中。撫州危。全諷率袁吉之兵。以復豫章。至象牙潭。淮將周平擊破之。玠乃以所部并其族千餘人。歸歿於我。殷發兵境上。援其輜重。至即奏授郴州刺史。隴西郡公。以希範聘玠女。天成中。玠卒。年七十三。凡鄴弟瑊。子繼英。繼勳。

卷一萬八千一百三十七第十四頁

劉昌魯

昌魯。字安國。相州鄴縣人。唐末。明經登第。釋褐。項城主簿。累遷。至尚書郎。乾符中。出為高州刺史。黃巢寇嶺南。郡縣離析。昌魯使其居民據保障。以自守。一境獲安。就遣防禦使劉隱入廣州。遣其弟襲領兵攻高州。昌魯率勵丁壯。逆戰於城外。大破襲軍。自以地小力寡。終慮為隱所吞。開平初。乃致書於殷。曰。僕昔占籍鄴中。受恩唐室。竝

高三歲。過黃巢之亂。收合生齒。堡於涼山。因深為壘。憑高作壘。攻苦食淡。以勤士卒。洎盜賊平定。一境獨全。高涼之民。至今相戴。而中原多故。嶺南不甯。劉隱亂常。僭與師律。舉蠻貊之衆。成吞噬之心。僕嘗訓勵甲兵。躬當矢石。掃壘一戰。劉巖遁走。雖仗義者必勝。恃力者必亡。然而山越之人。瘡痍衆矣。殘民以騁。所不忍為。昔古公去幽。甯融歸漢。千古之下。迭為推美。僕雖顛愚。景慕先烈。竊惟明公負江湖之固。有桓文之業。土宇至廣。仁風素厚。願以所部歸欵於執事。謹刺血染翰。上達誠悃。惟明公圖之。殷覽書甚喜。即遣指揮使張球。率兵迎之。昌魯盡輦其帑庫。及士卒千餘人。歸於湖南。奏授永順軍節度副使。兼行軍司馬。天成中卒。

卷一萬八千一百三十七第十五頁

鄧處訥

處訥。邵州龍潭人。少為州兵。累遷至軍校。唐乾符中。從閔頊征蠻於安南。黃巢之亂。盜殺潭州觀察使李業。城中無主。會頊自安南回。以所部兵駐郡中。傳檄諸州。同捍盜寇。境內以安。遣使奉表於朝。詔以頊為檢校右僕射。欽化軍節度使。潭州刺史。處訥從頊久在安南。及是欲歸邵州。省其親族。頊因署處訥為邵州兵馬留後。未幾。衡

州刺史周嶽舉兵襲瑒殺之。因據長沙。處訥編素發哀。召集將吏諭之曰。閔僕射駐軍長沙。親捍寇盜。布衣糲食。以養士卒。救民於塗炭。恩德厚矣。不幸為鼠輩所圍。今欲與諸軍問罪於周嶽。可乎。眾皆曰。留後為善人。雪冤敢不從命。乃以精卒二千襲嶽。殺之。梟首於東市。遂據其城。慰撫將吏。中外胥悅。時景福二年也。既而州人以狀聞於朝廷。詔以處訥為湖南節度兵馬留後。乾寧元年。劉建鋒領眾自豫章處訥遣其鄉豪首蔣勲等領兵卒三千斷龍回關。殷先至關。召勲等諭以禍福。仍許奏授官秩。勲眾皆喜。是夕。乃棄鎧甲旗幟。直趨潭州。薄城東門。守陴者不之覺。且謂郅軍之回也。門啟。前鋒兵徑趨府中。將吏驚走。是日處訥內宴。集寮屬而無備。禦禪將宋全節就擒。處訥斬於長史橋側。

卷一萬八千一百三十七第十八頁

龐巨昭

巨昭不知何許人。唐末為容州觀察使。精天文緯候之學。黃巢入廣南。巨昭括部內諸蠻。得數千人。親自選揀。分屯險隘。巢寇憚之。不敢犯其境。以功加寧遠軍節度使。開平初。高州劉昌魯率眾歸附。殷遣姚彥章李瓊率兵迎之。長驅而南。前鋒至容州。

巨昭將歸疑於我乃大享將士而謂之曰李瓊甲馬雄威乘席卷之勢必來侵我何策以禦之裨將莫彥昭對曰瓊軍遠來士卒疲乏請盡徹儲糧潛兵山谷空城以待之瓊至當據吾城外無救援我以全師掩其不備決旬之間瓊可擒也巨昭曰吾觀楚氣甚銳未易破也不如以牛酒犒其軍爾輩不失為富家翁足矣彥昭不從巨昭投之迎勞瓊瓊以軍徑赴城中俄而廣南劉隱率衆來我師不能守於是盡策其府寶驅其人民以歸巨昭挈其族數百口隨歸長沙殷久聞巨昭之名遣使慰勞即日奏授檢校太傅領容管經畧使巨昭在嶺南嘗占翼軫間有善星因謂所親曰劉隱兄弟不遊殘害良善吾終當逃難於長沙至是果歸附人或問湖南與淮南國祚長短巨昭曰吾入境來聞童謠曰三羊五馬馬子離羣羊子無舍自今以往馬氏當五主楊氏當三主後皆如其言真明中卒年七十六

卷一萬八千一百三十七第十九頁

彭師高

師高溪州人世為諸蠻酋長父士慈唐末溪州刺史其地西接牂牁林南抵桂林象郡東北控澧明方數千里山水險惡舟車不能通其蠻有六種盤氏為大即槃瓠之

之種也。俗無文法。約束繫於酋長。當士怒之。世昆弟強力多積聚。故能誘脅諸蠻。皆歸之。勝兵萬餘人。春夏則營種。秋冬則暴掠。而長沙四境最被其患。天福五年。士怒遣使通款於蜀。且請兵。同寇澧朗辰三州。大畧縣邑。希範遣指揮使劉勅。全師率衡山步卒五千人以救之。勅等擊敗其兵。士怒遁去。遂進兵襲漢州。州在山頂為堡。四面斗絕。勅選壯士。緣崖梯山。緝棧道以圍守之。士怒夜舉烽火以集蠻軍。勅於溪澗中置毒。蠻軍至飲其水者。皆病。唯不能戰。死者甚眾。一日南風暴起。勅以火箭射堡中。盡焚其廬舍。蠻軍多死。士怒乃率所部夜踰絕險。遁入興州。遣師嵩率諸蠻酋長田汧贊。單行方向存祐。羅君富等。攜牌印納款於勅。勅班師。與師嵩等歸長沙。釋其罪。厚賜而遣之。奏授士怒溪州刺史。兼溪洞招撫使。以師嵩補武安軍牙校。師嵩有勇力。善射。累從諸將征討有功。遷衡山指揮使。希廣襲位。改強弩指揮使。領辰州刺史。希希舉朗州之衆以攻湖南。列戰棹於水。而軍勢甚盛。師嵩登城觀之。白希廣曰。朗人驕而輕襲。以蠻兵其勢易破。請假臣步卒三千人。南自巴溪渡江。趨嶽麓。後夜擊之。請令許可。瓊以舟師陣於山前。破之。必矣。希廣因與可瓊謀。堅沮止之。翌日師嵩見可瓊於軍門。生談戰事。師嵩瞋目叱之曰。汝反文在面。即日當投賊。何庸論戰。

耶拂衣而去。乃白希廣請誅可瓊。希廣不從。師蒿退而歎曰。禍亂如此。王矜慈無斷。敗亡可待矣。及朗軍攻長樂門。可瓊果束甲以入。於賊城陷。師蒿被擒。希萼命釋之。師蒿溪洞人。性獷真。不喜阿附。屢為希萼以罪答責。及希崇篡立。令師蒿衛送希萼。囚於衡山。欲使殺之於路。而師蒿奉事彌謹。終以保全。因與指揮使廖偃同謀立希萼為衡山王。後隨希萼歸江南。李璟聞其忠節。擢為殿直都指揮使。後卒於金陵。

卷一萬八千一百三十七第二十頁

劉言

言吉州廬陵人。少事彭玕為伍長。以勇幹聞。開平中。玕納歿於湖南。言從歸長沙。希範即玕之壻也。出鎮朗州。召言為牙校。及希範襲位。溪洞酋長多求歿附。乃以言知辰州軍事。以鎮撫諸蠻使之。未幾。奏授辰州刺史。希萼入湖南。百役繁興。靜江軍指揮使王遠周行達叛歸朗州。初希萼令其子光贊為朗州留後。遠至廢之。以馬希振子光惠權軍州事。光惠庸懦。不能馭羣下。但酣營淫戲而已。將吏患之。遠等懼亂。遂與行達謀遣人往辰州。請言為副使。言素知遠等兇暴。謂其徒曰。南方禍亂方始。今君不往。必加於我矣。於是盡留所部。以單騎行。遠等遂廢光惠。推言權留後事。時周

廣順元年也。言既立，遣使詣闕上表。又遣使納款於李璟，求授節鉞。璟未之許也。會希崇逐希萼而自立，請援於江南。璟遣其將邊鎬率師入長沙。盡俘馬氏之族，歸於金陵。二年冬，璟又下詔，召言入覲。言不行，因令副使王遠行軍司馬何景真指揮使張徹、蒲公益、朱全琇、宇文瓊、周行逢、彭萬和、潘叔嗣、張文表等，統十指揮使同率兵攻湖南。遠邊鎬鎬奔歸江南，言乃以遠權知潭州軍府事。遣使詣闕上表，且言逐江南賊軍，復馬氏土疆之意。周太祖遣使來宣慰。三年正月，言又遣使上表，以長沙經兵火焚毀，請就以朗州為治所。周太祖下詔，升朗州為大都督府。在潭州、桂州之上。以言為檢校太師、同中書門下平章事、武平軍節度使。遠為潭州刺史，武安軍節度使。景真為桂州刺史，靜江軍節度使。指揮張徹而下，並領刺史為節度副使，或行軍司馬。皆言奏請之也。是月，又遣牙校張崇嗣置郎京師。歲時修貢。周祖下詔，賜言舊屬湖南在京及諸處莊宅邸店。時王遠為節度使，周行逢為行軍司馬，專制湖南。威權漸盛，言懼其為變，將圖之。遠與行逢謀，先六月，遠率所部兵入朗州。殺言部將鄭玟。收言因於別館誣奏言與江南通謀，誘引淮賊并潭朗之地，以歸金陵。八月，周祖下詔，奪言官，勒歸私第。委遠以便宜安置。復下詔，令遠歸治潭州。乃以潘叔嗣權知

朗州軍府事未幾令叔嗣毅言於武陵初民間謂為劉馘牙馬氏將亂湖南有謠言曰馬去也不用鞭馘牙過今年及邊鎬入長沙盡俘諸馬歸金陵鎬尋為王遠所逐奔歸江南是歲言亦為叔嗣所殺皆其驗也

卷一萬八千一百三十七第十五頁

王遠

遠朗州武陵人或名進遠少以驍勇選為靜江兵希萼入朗州累遣討賊有功遷本軍指揮使乾祐三年希萼攻湖南令遠領戰棹為前鋒陷長沙希萼既立遠有力馬時剽劫之後城中帑庫盡以焚毀賞賜不足又重構府署執役者皆靜江士卒相與怨憤聚而謀亂副指揮使周行逢聞之以告遠曰士卒怨懟深矣不早為計難將及我是夕乃擁其眾以長柯巨斧斬關以出遂歸武陵時希萼方醉遙明始遣裨將唐翥領兵追之不及因徑趨朗州士卒皆重趺不復成列遠先已入城伏卒門下翥至遠縱兵擊之翥軍大敗追殺殆盡翥僅以身免遠乃逐留後馬光惠請辰州刺史劉言為帥未幾長沙兵亂指揮使徐威等廢希萼而立其弟希崇囚希萼於衡山行軍司馬廖偃與指揮使彭師嵩共立希萼為衡山王將納之希崇懼納歛於江南且

請兵為援。李璟遣其將邊鎬率師入長沙。盡遷馬氏之族歸於金陵。璟以鎬為武安軍節度使。又遣將劉仁贍率師取岳州。鎬將圖朗州。密白璟請召言入覲。言不行。謀於遠曰：「江南召我不往，必加兵於我矣。為之奈何？」遠曰：「鎬之此來，以制置潭朗為名。公如東行，正入其算。武陵負江湖之阻，帶甲萬眾，乃欲拱手臣異姓乎？」鎬新至長沙，經畧未定，乘人心憤，怨引兵攻鎬，可一鼓而擒也。言然之，乃遣與何景真等同起兵於武陵，號十指揮使，以攻邊鎬。遠率舟師南上，至長沙。邊鎬大駭，以所部奔歸江南。諸州屯守皆罷去。盡復湖外之地。時廣順二年冬也。遠遂據長沙，與劉言同遣使上表於朝。三年正月，周祖下詔褒諭，以遠為武安軍節度使。遠出於行陣，本無鈐畧，不能馭羣下。時諸指揮使受詔為節度副使者，數人各留長沙，各置牙兵，分廳紫事。軍政淆亂，將吏患之。每宴集府中，喧嘩如市。遠莫能禁止。會廣兵乘間盡取梧、桂、郴、連之地。遠率眾南征，敗於壕石而還。時何景真、朱全瑋同在武陵，與劉言不協。各謀為亂。言又以遠專制湖南，慮其難制，將并長沙之地。遠大懼，因與周行逢謀，召景真、全瑋領兵討桂林。至皆殺之。又殺張儆於府中。景真之姻也。乃率所部兵襲武陵。幽言於別館，誣奏言欲併潭朗歸款於江南。周祖下詔，委遠以便宜處置。遠既殺言，遂移

治武陵時顯德元年也世宗下詔以遠為武平武安等軍節度使三年世宗征江南詔遠為南面行營都統以所部兵逼鄂州攻其長山寨而還復領眾逼宜春道出長沙耀兵金波亭有蜜蜂集繖蓋中占者以為不利遂留長沙令行營副使毛立領兵南下以潘叔嗣張文表為前鋒叔嗣怒至澧陵擁眾而還遠聞兵叛乃乘輕舸奔歸武陵叔嗣追殺之於朗州城外

卷一萬八千一百三十七第十六頁

周行逢

行逢武陵人少無賴與王遠同里俱為靜江兵事希萼為小校從希萼攻湖南陽長沙靜江軍叛隨遠入朗州破進兵於城門下殺千餘人遠攻邊鎮令行逢領步卒趨益陽拔其寨殺江南兵二千餘人擒其將李建期遠平湖南周祖下詔以行逢為集州刺史充武安軍節度使行軍司馬劉言將并潭朗遠聞而憂之以語行逢行逢曰言本江西反徒景真全琇又粗暴無識相與為亂必矣會廣南兵寇全義行逢乃與遠密謀白於劉言請以景真為南面行營招討使全琇為先鋒令會兵於湖南比至皆殺之遠攻劉言於武陵以行逢權知潭州軍府事顯德元年世宗下詔以行逢

為武清軍節度。知潭州軍府事。遠奉詔領軍征宜春。至長沙。不行。遣副使毛立潘叔嗣張文表統衆南伐。行達久專湖南之務。頗任威刑。遠屢以言規之。行達不悅。叔嗣又怒。遠即安而令已赴難。頗出怨言。叔嗣將行。行達餞之。泣曰。吾不見師之入也。叔嗣懼。至澧陵。邑吏請以牛酒犒師。毛立不許。士卒皆怒。叔嗣乃與張文表械立。送於行達。明日擁衆圍長沙。叔嗣既殺遠。乃逆行。行達歸治朗州。行達至。懲王遠之亂。斬叔嗣以徇。遂自領兩鎮。留後遣使奉表詔以行達為朗州大都督。武平軍節度。制置武安靜江等軍事。乃表宇文瓊為武清節度使。張文表為衡州刺史。領親衛都指揮使。彭萬和為永州防禦使。觀察判官李觀象通判軍府事。釋毛立為水軍都指揮使。行達既得志。恣行誅戮。遠之子弟及門將吏死者百餘輩。性猜忌。每遣人伺察郡縣守宰。有聚飲偶語者。必逮捕下獄。以謀反誅。宇文瓊彭萬和與行達族兄飲酒。疑其謀叛。夜遣甲士圍其第。盡擒殺之。麾下之人皆重足脅息。五年。朝廷遣使儲魚監於境上。行達懼。乃繕治戎器。增築城壁。閱諸州鄉兵。大修武備。皇朝建隆三年。以疾卒。年四十六。葬武陵之肩山。子保權嗣。行達性殘忍。然為治嚴整。不徇私黨。躬履儉約。以率羣下。辟署官吏。必取廉介之士。條教簡約。民甚便之。有女壻求補吏。不許。給以

耒耜而語之曰。吏所以治民也。汝才不能任職。豈敢私汝以祿。姑歸墾田以自治也。其妻嚴氏不入府署。躬率奴僕耕織以給賦調。人民化之。率務稼穡。四五年間倉廩充實。尤崇信釋氏。常設大會齋緇徒畢集。行蓮徧拜之。捧椀執悅。親侍盥洗。因謂左右曰。吾殺人多矣。不假佛力。何以解其冤報乎。

卷一萬八千一百三十七第十七頁

何景真

景真。武陵人。少以強勇隸朗團軍。希萼入朗州。署步軍都指揮使。乾祐三年。希萼攻湖南。命景真率步騎三千出竹柵屯兵楊柳橋。以逼其城。湖南指揮使韓禮率步騎五千陣於橋西。景真登橋望之。見旗幟不整。曰。此非我敵也。乃縱兵擊之。潭人大亂。奔入城中。禮被破傷。至其家而卒。明日城陷。希萼之攻長沙也。以其子光贊守武陵。至是既平湖南。乃以景真為朗州衙內指揮使。以邕光贊。王遠。周行。連。叛於長沙。以所部兵奔歸朗州。廢光贊奪其印綬。而立馬光惠。景真不能拒。後又與王遠同請劉言為帥。會希崇。遂希萼而自立。請援於江南。邊鎬率師入長沙。劉言。王遠同謀。遂鎬乃結景真為十指揮使。率舟師同攻湖南。鎬遁走。奏授景真檢校太尉。靜江軍節度。

使景真求歸治所。言不許。留於長沙。與王逵不協。求歸朗州。許之。時劉言已為使相。景真不能下之。每使酒悻慢。言不勝其忿。且意王逵等遣景真伺已也。將誅逵。景真亦欲殺言。以據朗州。事未及發。逵皆偵知之。因與周行逢密謀。將先誅景真。後圍劉言會。廣南兵入境。因偽召景真為招討使。會兵於長沙。景真即以牙兵百餘人徑往湖南。逵迎勞於郊。相見甚歡。館於馬氏之故第。宴飲彌日。多選妓女。真帳幄中。景真留連月餘。遂乃遣人偽自朗州來者。傳劉言之命。就詰景真曰。邊寇搶攘。委公以戎事。公耽淫縱酒。遊留不發。太師以公觀望。命械公歸西府。時景真已醉。慙恍不知所為。乃俛首就縛。送朗州。殺之於路。

卷一萬八千一百三十七第十八頁

九國志卷十二

北楚

武信王於梁開平元年據有荊州旋得歸峽至宋乾德改元國除傳襲四世
五帥凡五十七年

宋 張唐英補撰

武信王

姓高名季興字貽孫陝州硤石人本名季昌避後唐諱更今名初隸朱友讓得見全忠奇其才命友讓畜為子冒姓朱氏補制勝軍使天復三年拜宋州團練使徙潁州防禦使復姓高氏梁開平元年五月拜荆南節度使乾化四年八月封渤海王龍德三年十月戊寅梁亡入覲於後唐同光二年三月丙午封南平王天成二年因掠唐所部送蜀貨削官爵乾真二年六月稱藩於吳是年十二月丙辰薨年七十一謚武信葬於江陵城西之龍山鄉

文獻王

名從誨字遵聖季興長子既襲位吳以為節度使懼唐見討復修職貢時

為嗣位之明年唐天成四年也是年七月甲申唐復以為節度使追封季興

為楚王長興三年二月賜爵渤海王應順元年正月改封南平王荆南介於

吳楚自吳稱帝而南漢閩楚皆修貢中原假道境上自季興以來常邀掠貨

物諸道遺書相詰責。即復還之。無慚色。其後南漢與閩稱帝。從誨所嚮稱臣。利其賜予。諸國目為高賴子。又曰高無賴。漢乾祐元年十一月癸卯。薨。年五十八。葬龍山鄉。明年。漢加諡文獻。

真懿王

名保融。字德長。從誨第三子。漢乾祐元年十二月丁丑。漢以為荆南節度使。周廣順元年。封渤海郡王。顯德元年正月丙子。進封南平王。宋建隆元年八月薨。年四十一。葬龍山鄉。宋加諡真懿。

侍中

名保勗。字省躬。從誨第十一子。保融同母弟也。保融即世。宋以為荆南節度使。建隆三年十一月卒。年三十九。贈侍中。

侍中

名繼冲。字成和。保融長子。保勗既歿。宋以為荆南節度使。乾德元年二月。宋師至。納土。出降。十月至闕下。授武寧軍節度使。鎮彭門。幾十年。開寶六年卒。年三十一。贈侍中。

北楚

李景威

景威。公安人。幼隸於軍。而頗有智畧。累以戰功。遷雲猛指揮副使。保勗以為衙內兵。

馬副使繼冲嗣立多委任之初聞慕容延釗等伐張文表景威乘間見繼冲曰今王師雖稱假道以收湖湘然觀其勢恐因而襲我景威欲效犬馬之勞願假兵三千人於荆門中道險隘處設伏候其夜行發伏攻其上將王師自必退却回軍收張文表以獻於朝廷則公之功業大矣不然則有搖尾求食之禍繼冲曰吾家世世貢奉朝廷必無此事爾無過慮况爾非慕容延釗之敵也景威又曰俗傳江陵諸處有九十九洲若滿一百則有王者興自武信王之初江心深浪之中忽生一洲而滿百昨此洲漂沒不存茲亦可憂繼冲又不聽景威知計不行自扼吭而死及王師入城繼冲悔不用其言太祖聞景威之計曰彼忠其主也命王仁贍厚恤其家

卷一萬八千一百三十七第二十四頁

九國志卷十二終

右九國志十二卷宋路振撰張唐英補按振字子發祁陽人洵美子事蹟具見宋史文苑傳邵經邦宏簡錄稱其文詞溫麗牋奏填委應答敏瞻使契丹獻乘輅錄有集二十卷雅言系述載其伍彬歸隱詩有庭樹烏頻啄山房人尚眠語錢士升南宋書亦稱其作詩有唐人風又嘗采五代九國君臣事作世家列傳行於世即是書也唐英字次公新津人商英兄事蹟附宋史商英傳中南宋書稱其有史材嘗著仁宗政要宋名臣傳蜀檮杌行於世楊升菴丹鉛總錄屢及其論姚瑋論王威高雅等語又譏晁公武誤以為張君房殆頗重其人矣考五代諸霸國事蹟惟南唐頗詳其他著撰遺佚已多我朝吳任臣十國春秋亦後來補作是書久無傳本曹溶絳雲樓書目跋謂牧翁嘗云有劉恕十國紀年及是書而書目無之甚可疑也云云茲假得張聲泉孝廉曾冕士廣文黃石谿明經各鈔本互勘而付梓焉雖非足本然截珥編瑄彌當珍惜耳道光庚戌小寒節南海伍崇曜謹跋

